

四庫全書

經部

欽定四庫全書

春秋左傳注疏卷四十

起襄公三十年
盡三十一年

晉杜氏注 唐陸德明音義 孔穎達疏

經三十年春王正月楚子使薳罷來聘音義罷音皮

夏四月蔡世子般弑其君固音義

般音班

五月甲午宋災注天火曰災

宋伯姬卒

天王殺其弟佞夫注稱弟以惡王殘骨肉音義

佞乃定
反惡烏

路反下惡宋疏注正義曰傳言罪在
同一音如字王知稱弟以惡王也

王子瑕奔晉注不言出奔周無外

秋七月叔弓如宋葬宋共姬注共姬從夫諡也叔弓叔

老之子卿共葬事禮過厚三月而葬速音義共音恭注皆同傳亦

傲疏注正義曰公羊傳曰其稱諡何賢也杜以共非夫
此疏人之諡故注顯而異之夫諡為共從夫諡而稱之

耳共非夫人之身行也昭三十年傳曰先王之制諸侯
之喪士弔大夫送葬則夫人之喪不得過之也昭三年

傳云文襄之霸也君薨大夫弔卿共葬事夫人士弔大
夫送葬是法皆不使卿也伯姬魯女以災而死魯人愍

之故使卿共葬
事禮過厚也

鄭良霄出奔許注耆酒荒淫書名罪之

首義

者市志反疏注

義曰據傳子皙伐伯有而伯有非有罪也

春秋出奔書名皆是罪之之文故杜跡其罪狀耆酒荒淫故書名也

自許入于鄭注不言復入獨還無兵音義

復扶注正又反疏注正義曰

成十八年傳例曰以惡曰復入謂還而

以兵害國為惡事而入若魚石以楚師伐宋取其彭城

甲以入于絳如是乃為惡入也良霄獨

還無兵入國始為惡非是以惡入故不得書復入直言入者自外而入

內耳非彼例也成十五年宋華元出奔

晉宋華元自晉歸于宋奔之與歸再書名氏此良霄不重書名氏者彼

宋再告此鄭一告故連書之

鄭人殺良霄

冬十月葬蔡景公注無傳

晉人齊人宋人衛人鄭人曹人莒人邾人滕人薛人杞人小邾人會于澶淵宋災故注會未有言其事者此言

宋災故以惡宋人不克已自責而出會求財音義

澶市然反

字林云丈仙疏

注正義曰案桓二年會于稷以成宋亂則是會言其事而此言會未有言其事

義相違者彼言以成宋亂直連言所會之事與桓十五年會于袤伐鄭相似經不明言事之意故今此言宋災故是丁寧之辭不與彼同按傳責諸侯之卿并及宋人杜此注何以唯言惡宋人不克已自責不無為諸侯卿者以傳云書曰某人某人宋災故尤之也是宋災之文獨繫向戌稱人故知宋災特惡宋也

傳三十年春王正月楚子使薳罷來聘通嗣君也注

邾敖即位穆叔問王子之為政何如注王子圍為令

尹音義

問王子之為政一本作問王子圍之為政服虔王肅本同

疏

正義曰傳無圍字故杜云

王子圍為令尹也服虔云王子楚令尹王子圍也王肅云王子楚令尹圍也

對曰吾儕小

人食而聽事猶懼不給命而不免於戾焉與知政固

問焉不告穆叔告大夫曰楚令尹將有大事子蕩將

與焉注子蕩遂罷音義

儕仕皆反馬與上於虔反下音預下將與與於食同

助

之匿其情矣注子圍素貴邾敖微弱諸侯皆知其將

為亂故穆叔問之音義

匿女力反

○子產相鄭伯以如晉

叔向問鄭國之政焉對曰吾得見與否在此歲也駟

良方爭未知所成注駟氏子皙也良氏伯有也音義

相息亮反爭爭鬪之

爭下注駟良爭同

若有所成吾得見乃可知也叔

向曰不既和矣乎對曰伯有侈而愎注愎狠也音義

愎彼力反

狠胡懇反

子皙好在人上莫能相下也雖其和也猶

相積惡也惡至無日矣注為此年秋良霄出奔傳音

義好呼報反

下邈嫁反

○三月癸未晉悼夫人食輿人之城杞

者注輿衆也城杞在往年音義

食音嗣興音餘

絳縣人或年

長矣無子而往與於食有與疑年使之年注使言其

年音義

長丁疏

正義曰有與同食者問此老人之年不告以實疑其年也使之年者更使

言其真年也

曰臣小人也不知紀年臣生之歲正月甲子

朔四百有四十五甲子矣其季於今三之一也注所

稱正月謂夏正月也三分六甲之一得甲子甲戌盡

癸未音義

夏戶雅反

吏走問諸朝注皆不知故問之音義

吏走一本作使走如字速疾之意也一曰走疏正義

使之人也服虔王肅本作吏云吏不知歷也曰俗本吏作使服虔云吏不知歷數故走問於卿大夫王肅云吏不知歷也

師曠曰魯叔仲

惠伯會郤成子于承匡之歲也注在文十一年疏

正義

曰劉炫云傳之叙事自可以魯為主若載人語則當如其本言此師曠晉人自道晉事當云郤成子會魯叔仲惠伯所以云叔仲惠伯會郤成子于承匡之歲者正明意在以魯為主遂使此言反耳正明尚不免於此况後解說者乎今知非者凡魯史所記云公卿會某侯者皆據公卿往會他若他來會我則以他為文若衛侯會公于沓鄭伯會公于柴是也今郤成子在承匡魯往會之以晉為主晉人之言正是其宜劉炫以為晉人不當稱叔仲惠伯會郤成子以為丘明之誤恐非也

是歲也狄伐魯叔

孫莊叔於是乎敗狄于鹹獲長狄僑如及虺也豹也

而皆以名其子七十三年矣注叔孫僑如叔孫豹皆

取長狄名音義

鹹音咸僑其驕反虺虛鬼反

疏

正義曰敗狄于鹹事在彼歲未必其

年頓生三子當是欲表其功雖在後生子追以前事名之

史趙曰亥有二首六身

注史趙晉大史亥字二畫在上併三人為身如算之

六音義

畫音獲下同

下二如身是其日數也注下亥上二

畫豎置身旁疏

正義曰二畫為首六畫為身下首之二畫並之使如其身旁則是生來日

數也因亥畫似算位故假之以為言其本作亥字不為此也案字書古之亥字體殊不然蓋春秋之時亥字有二六之體異於古制其說文是小篆之書又異於此說文云亥亥也十月微陽起接盛陰從二二古文上字一人男一人女也從乙象懷子咳形也士文伯曰然則二萬二千

六百有六旬也注文伯士弱之子疏

正義曰文十一年至此年為七

十四年而上云七十三年案文十一年正月甲子朔為夏之正月是其年三月也此年之二月癸未是夏之十二月計為七十三年猶尚年未終也假作全年算之置七十三年以全日三百六十五日乘之已得二萬六千六百四十五日也每年有四分日之一是四年而成一日以四除七十三年又得十八日并全日為二萬六千六百六十三日計終此十二月盡有二萬六千六百六十三日四分十之一令除去三日四分日之一整取六旬合當十二月二十七日令杜長歷云二十三日癸未是少四日所以不與常歷同者蓋杜為長歷約準春秋日月以為長歷與常歷不同故置閏遠近不定蓋七十三年之內於常歷校四箇大月而剩用四日故癸未為二十三日若依常歷是二十七日也劉炫云所以少三日者文十一年非

首章年其閏閏有前却故長歷此月辛酉朔二十三
日得癸未來月庚寅朔計至朔長三日長歷去年閏
八月由閏
近故也 趙孟問其縣大夫則其屬也注屬趙武疏

正義曰諸是守邑之長公邑稱大夫私邑則稱宰此
言問其縣大夫問絳縣之大夫也絳非趙武私邑而
云則其屬者蓋諸是公邑國
卿分掌之而此邑屬趙武也 名之而謝過焉曰武不

才任君之大事以晉國之多虞不能由吾子注由用
也使吾子辱在泥塗久矣武之罪也敢謝不才遂仕
之使助為政辭以老與之田使為君復陶注復陶主

衣服之官音義

復音服

疏

注正義曰昭十二年傳說楚子出獵王皮冠秦復陶翠被

豹舄執鞭以出復陶之文在冠屨之間知復陶是衣也此言君復陶知是主君衣服之官也衣服之名復陶其義未聞以為絳縣師注縣師掌地域辨其夫家人民

疏注正義曰既使為主衣服之官又以為絳邑之縣師也周禮縣師上士二人其職掌邦國都鄙稍甸

郊里之地域而辨其夫家人民田畝之數及其六畜車輦之稽凡造都邑量其地而制其域以歲時徵野之賦貢天子之縣師掌此諸事則諸侯之縣師亦當然故杜略引周禮以解之據如周禮則縣師是王朝之官而此言絳縣師者絳是晉國所都而廢其輿尉之邑蓋以居在絳邑故繫絳以言之

注以役孤老故疏正義曰服虔云輿尉軍尉主發衆使民於時趙武將中軍若是軍尉

當是中軍尉也注正義曰知者上於是魯使者在晉云無子是孤年七十三是老也

歸以語諸大夫季武子曰晉未可媮也注媮薄也音

義

使所吏反語魚據反媮它侯反

有趙孟以為大夫有伯瑕以為佐

注伯瑕士文伯有史趙師曠而咨度焉有叔向女齊

以師保其君其朝多君子其庸可媮乎勉事之而後

可注傳言晉所以強不失諸侯且明歷也音義度待洛反

○夏四月己亥鄭伯及其大夫盟注駟良爭故君子

是以知鄭難之不巳也注鄭伯微弱不能制其臣下

君臣詛盟故曰亂未巳音義難乃旦反詛側慮反○蔡景侯為

大子般娶于楚通焉大子弑景侯注終子產言有子

禍也音義

為于偽反
娶七住反

○初王儋季卒注儋季周靈王

弟音義

儋丁
甘反

其子括將見王而歎注括除服見靈王

入朝而歎音義

括古活反見
賢遍反注同

單公子愆期為靈王御

士過諸廷注愆期行過王廷音義

單音善愆起虔反
下同廷音庭注同

聞其歎而言曰烏乎必有此夫注欲有此朝廷之權

音義

烏乎本又作鳴
呼音同夫音扶

入以告王且曰必殺之不感而

願大視躁而足高心在他矣不殺必害王曰童子何

知及靈王崩僖括欲立王子佞夫注佞夫靈王子景

王弟音義

躁早報反

佞夫弗知戊子僖括圍為逐成愆注

成愆為邑大夫音義

為于委反

成愆奔平時注平時周邑

音義

時音止又音市本或作時

五月癸巳尹言多劉毅單蔑甘過

鞏成殺佞夫注五子周大夫音義

過音戈鞏力勇反

括瑕廖

奔晉注括廖不書賤也音義

廖力彫反一音勑留反

書曰天王

殺其弟佞夫罪在王也注佞夫不知故經書在宋災

下從赴○或叫于宋大廟注叫呼也音義

叫古弔反大廟音泰

一本無大字
呼火故反
曰譖譖出出注譖譖熱也出出戒伯姬

音義

譖許其反出如字鄭注周禮引此作詘詘劉昌宗亦音出

鳥鳴于亳社注殷

社音義

亳步各反疏

正義曰哀四年亳社災穀梁傳曰亳社者亳之社也亳亡國也亡國之社

以為廟屏戒也然則此亳社是殷社也殷都于亳武王伐紂而頒其社於諸侯以為亡國之戒此鳥鳴于魯國之亳社也服虔云殷宋之祖也故鳴其社伯姬魯女欲使魯往悟伯姬也如曰譖譖注

皆火妖也甲午宋大災宋伯姬卒待姆也注姆女師

音義

姆徐音茂字林音亡又反一音母

疏

正義曰莊二十年齊大災杜云來告以大故書此不

書大告者不言大也服虔云不書大非災火及人伯姬坐而待之耳然則昭十八年衛宋陳鄭災災皆及

人何以不言大也注正義曰鄭玄昏禮注云姆婦人年五十無子出而不復嫁能以婦道教人者若今時乳母矣何休云選老大夫妻為姆也大夫之妻當在夫室安得從女而嫁也若言既為夫人選大夫之妻為之則禮言女未嫁而有姆非至夫家始選也君子謂宋共姬女而不婦女

待人注待人而行婦義事也注義從宜也伯姬時年

六十左右疏

注正義曰義者宜也從宜宜辟火也成九年伯姬歸于宋至此四十年故為六

十左右也

○六月鄭子產如陳蒞盟歸復命告大夫曰陳

亡國也不可與也注不可與結好音義

好呼報反

聚禾粟

繕城郭恃此二者而不撫其民其君弱植公子侈大

子卑大夫教政多門注政不由一人音義

緡上戰反
植徐直吏

反一音時力反教五報反本

疏

正義曰周禮謂草木
為植物植為樹立君

亦作傲服本作放云淫放也

志弱不樹立也大夫教言大夫驕教也服虔云言大

夫淫放則服本為大夫放矣故今俗本多為放字

以介於大國注介間也音義

介音界

能無亡乎不過十

年矣注為昭八年楚滅陳傳○秋七月叔弓如宋葬

共姬也注傷伯姬之遇災故使卿共葬音義

共音恭

○

鄭伯有者酒為窟室注窟室地室音義

者市志反
窟口忽反

而

夜飲酒擊鍾焉朝至未巳朝者曰公焉在注家臣故

謂伯有為公音義馬於度反其人曰吾公在壑谷注壑谷

窟室音義壑呼洛反皆自朝布路而罷注布路分散音義

罷皮買反徐扶彼反既而朝注伯有朝鄭君則又將使子皙如

楚歸而飲酒庚子子皙以駟氏之甲伐而焚之伯有

奔雍梁注雍梁鄭地音義雍於用反醒而後知之遂奔許

大夫聚謀子皮曰仲虺之志注仲虺湯左相音義醒星

頂反相息亮反云亂者取之亡者侮之推亡固存國之利也

罕駟豐同生注罕子皮駟子皙豐公孫段也三家本

同母兄弟音義

侮七甫反

伯有汰侈故不免注三家同出

而伯有孤特又汰侈所以亡音義

汰音泰

人謂子產就

直助彊注時謂子皙直三家彊子產曰豈為我徒注

徒黨也言不以駟良為黨國之禍難誰知所敝或主

彊直難乃不生注言能彊能直則可弭難今三家未

能伯有方爭音義

難乃旦反下及注同弭彌氏反爭爭鬪之爭

姑成吾所

注欲以無所附著為所音義

著直略反

辛丑子產斂伯有

氏之死者而殯之不及謀而遂行注不與於國謀音

義斂力豔反下同不與音預下文不與同

印段從之注義子產子皮止

之衆曰人不我順何止焉子皮曰夫子禮於死者况生者乎遂自止之壬寅子產入癸卯子石入注子石

印段皆受盟于子皙氏乙巳鄭伯及其大夫盟于大

宮注大宮祖廟盟國人于師之梁之外注師之梁鄭

城門伯有聞鄭人之盟已也怒聞子皮之甲不與攻

已也喜曰子皮與我矣癸丑晨自墓門之瀆入注墓

門鄭城門音義瀆徐音豆因馬師頡介于襄庫以伐舊北

門注馬師頡子羽孫音義

頡戶結反介音界下文同

駟帶率國人

以伐之注駟帶子西之子子皙之宗主皆名子產注

駟氏伯有俱名子產曰兄弟而及此吾從天所與注

兄弟恩等故無所偏助伯有死於羊肆注羊肆市列

子產襚之枕之股而哭之斂而殯諸伯有之臣在市

側者既而葬諸斗城注斗城鄭地名音義

襚音遂枕之槁反股

音古子駟氏欲攻子產子皮怒之曰禮國之幹也殺有

禮禍莫大焉乃止注斂葬伯有為有禮於是游吉如

晉還聞難不入注懼禍并及音義

難乃旦反

復命于介八

月甲子奔晉駟帶追之及酸棗與子上盟用兩珪質

于河注子上駟帶也沈珪於河為信也酸棗陳留縣

音義

與子上用兩珪質于河質如字一音致一本作與子上絕句用兩珪質于河別為一句也沈音

鴝又使公孫盱入盟大夫已已復歸注游吉歸也音

義

盱許乙反

書曰鄭人殺良霄不稱大夫言自外入也注

既出位絕非復鄭大夫音義

復扶又反

於子蟜之卒也注

子蟜公孫蠆卒在十九年音義

蟜居表反

將葬公孫揮與

裨竈晨會事焉注會葬事音義

揮許韋反

過伯有氏其門

上生莠子羽曰其莠猶在乎注子羽公孫揮以莠喻

伯有伯有侈知其不能久存音義

莠羊九反草也

於是歲在

降婁降婁中而旦注降婁奎婁也周七月今五月降

婁中而天明音義

降戶江反下及注同奎吉圭反

疏

注正義曰降婁奎婁釋天文也

孫炎曰降下也奎為溝瀆故稱降也杜以周七月今

五月降婁中而天明劉炫以為五月降婁未中而規

杜失今知非者以三月諸星復位合昏奎婁在戌以

衝反之平旦在辰又三月日體在胃平旦之時奎婁

在胃昴之前亦當在辰既三月平旦在辰則四月在

巳五月在午月令旦危中者據夜有長短及星度有

廣狹是細計之數杜據大略而言故與月
令不同劉以月令之文而規杜氏非也
裨竈指之

曰猶可以終歲注指降婁也歲星十二年而一周歲
不及此次也已注不及降婁及其亡也歲在姬訾之

口注姬訾營室東壁二十八年歲星淫在亥枵今三

十年在姬訾是歲星停在亥枵二年音義

姬子須反
訾子斯反

壁音壁枵
許驕反

疏

注正義曰釋天云姬訾之口營室東壁
也李巡曰姬訾亥武宿也營室東壁北

方宿名孫炎曰姬訾之次則口開方營室東壁四方
似口故因名云十二次子為亥枵亥為姬訾二十八
年傳稱歲在星紀而淫於亥枵二十八年已在亥枵
今三十年始在姬訾三年始移一次是歲星住在亥

梏二年也其明年乃及降婁僕展從伯有與之皆死注僕

展鄭大夫伯有黨羽頡出奔晉為任大夫注羽頡馬

師頡任晉縣今屬廣平郡音義

任音

雞澤之會注在

三年鄭樂成奔楚遂適晉羽頡因之與之比而事趙

文子言伐鄭之說焉以宋之盟故不可注宋盟約弭

兵故音義

比毗志反

子皮以公孫鉏為馬師注鉏子罕之

子代羽頡音義

鉏仕居反

○楚公子圍殺大司馬為掩而

取其室注為掩二十五年為大司馬申無宇曰王子

必不免注無字芋尹音義

芋于付反

善人國之主也王子

相楚國將善是封殖而虐之是禍國也且司馬令尹

之偏注偏佐也音義

相息亮反下善相之同

而王之四體也注

俱股肱也絕民之主去身之偏艾王之體以禍其國

無不祥大焉何以得免注為昭十三年楚弑靈王傳

音義

去起呂反艾魚廢反

○為宋災故諸侯之大夫會以謀歸

宋財冬十月叔孫豹會晉趙武齊公孫董宋向戌衛

北宮佗注佗北宮拈之子音義

佗徒河反

鄭罕虎注虎子

皮及小邾之大夫會于澶淵既而無歸于宋故不書
其人君子曰信其不可不慎乎澶淵之會卿不書不
信也夫諸侯之上卿會而不信寵名皆棄不信之不

可也如是注寵謂族也音義

不信也夫音扶一
讀以夫為下句首

詩曰

文王陟降在帝左右信之謂也注詩大雅言文王所
以能上接天下接人動順帝者唯以信又曰淑慎爾
止無載爾偽不信之謂也注逸詩也言當善慎舉止
無載行詐偽書曰某人某人會于澶淵宋災故尤之

也注傳云既而無歸所以釋諸侯大夫之不書也又

云宋災故尤之所以釋向戍之并貶也戍為正卿深

致火災燒殺其夫人未聞克己之意而以求財合諸

侯故與不歸財者同文疏

注正義曰諸侯不歸宋財諸國大夫合貶耳向戍不

合貶也而向戍亦貶稱人故傳明經所由杜又釋傳之意傳曰既而無歸者是釋上傳之文故不書其人

是也經又別言宋災故者此一句見向戍之并貶釋此傳書曰某人某人之文也向戍若不求財當顯書

名氏今貶稱某人與諸國某人同故云所以釋向戍之并貶與不歸財者同文也不書魯大

夫諱之也注向戍既以災求財諸大夫許而不歸客

主皆貶君子以尊尊之義也君親有隱故略不書魯

大夫以示例○鄭子皮授子產政注伯有死子皮知

政以子產賢故讓之辭曰國小而偏注偏近大國音

義

偏彼力反近
附近之近

族大寵多不可為也注為猶治也子

皮曰虎帥以聽誰敢犯子子善相之國無小注言在

治政音義

治直
使反

小能事大國乃寬注為大所恤故也

子產為政有事伯石賂與之邑注伯石公孫既有事

欲使之子大叔曰國皆其國也奚獨賂焉注言鄭大

夫共憂鄭國事何為獨賂之子產曰無欲實難注言

人不能無欲皆得其欲以從其事而要其成非我有

成其在人乎注言成猶在我非在他也音義要一遙反下注

同何愛於邑邑將焉往注言猶在國音義馬於虔反子大

叔曰若四國何注恐為四鄰所笑子產曰非相違也

而相從也注言賂以邑欲為和順四國何尤焉鄭書

有之注鄭國史書曰安定國家必大焉先注先和大

族而後國家安音義必大焉先並如字姑先安大以待其所

歸注要其成也既伯石懼而歸邑卒與之注卒終也

伯有既死使大史命伯石為卿辭大史退則請命焉

注請大史更命已復命之又辭如是三乃受策入拜

子產是以惡其為人也注惡其虛飾音義

復扶又反
三息暫反

又如字策初革反
惡烏路反注同

使次已位注畏其作亂故寵之子

產使都鄙有章注國都及邊鄙車服尊卑各有分部

音義

分扶
運反

上下有服注公卿大夫服不相踰田有封

洫注封疆也洫溝也音義

洫况域反
疆居良反

廬井有伍注廬

舍也九夫為井使五家相保大人之忠儉者注謂卿

大夫音義

大人之忠儉者本
或作大夫者非

從而與之泰侈者因而

斃之注因其罪而斃踣之音義

踣蒲
比反

豐卷將祭請田

焉弗許注田獵也音義

卷眷勉
徐居阮反

曰唯君用鮮注鮮

野獸衆給而已注衆臣祭以芻豢為足音義

芻初俱
反豢音

患牛羊曰芻
犬豕曰豢

子張怒注子張豐卷退而徵役注召兵

欲攻子產子產奔晉子皮止之而逐豐卷豐卷奔晉

子產請其田里注請於公不役人三年而復之反其

田里及其入焉注田里所收入從政一年與人誦之

曰取我衣冠而褚之注褚畜也奢侈者畏法故畜藏

音義

褚張呂反畜勅六反又許六反本又作襦同

取我田疇而伍之孰殺

子產吾其與之注竝畔為疇音義

竝蒲杏反又蒲頂反

及三年

又誦之曰我有子弟子產誨之我有田疇子產殖之

注殖生也音義

殖時力反徐是吏反此協下韻

子產而死誰其嗣之

注嗣續也傳言鄭所以興

經三十有一年春王正月

夏六月辛巳公薨于楚宮注公不居先君之路寢而安

所樂失其所也音義

樂音洛一音岳
又一音五教反

秋九月癸巳子野卒注不書葬未成君

己亥仲孫羯卒

冬十月滕子來會葬注諸侯會葬非禮

癸酉葬我君襄公

十有一月莒人弑其君密州注不稱弑者主名君無道

也音義

弑申
志反

傳三十一年春王正月穆叔至自會注澶淵會還見

孟孝伯語之曰趙孟將死矣其語偷不似民主注偷

苟且音義

語之魚據反下吾語諸同偷他侯反

且年未盈五十而諄諄

焉如八九十者弗能久矣注成二年戰於案趙朔已

死於是趙文子始生至襄三十年會澶淵蓋年四十

七八故言未盈五十音義

諄徐之聞反或一音之純反

若趙孟死

為政者其韓子乎注韓子韓起吾子盍與季孫言之

可以樹善君子也注言韓起有君子之德今方知政

可素往立善音義

盍戶獵反

晉君將失政矣若不樹焉使

早備魯注使韓子早為魯備既而政在大夫韓子懦

弱大夫多貪求欲無厭齊楚未足與也魯其懼哉孝

伯曰人生幾何誰能無偷朝不及夕將安用樹穆叔

出而告人曰孟孫將死矣吾語諸趙孟之偷也而又

甚焉注言朝不及夕偷之甚也音義

懦乃亂反厭於鹽反人生幾何

居起反本或作民生无幾何朝如字注同

又與季孫語晉故注如與孟孫

言季孫不從及趙文子卒注在昭元年晉公室卑政

在侈家韓宣子為政不能圖諸侯魯不堪晉求讒慝
弘多是以有平丘之會注平丘會在昭十三年晉人

執季孫意如音義慝他得反○齊子尾害閭丘嬰欲殺之

使帥師以伐陽州注陽州魯地我問師故注魯以師

往問齊何故伐我夏五月子尾殺閭丘嬰以說于我

師注言伐魯者嬰所為也伐陽州不書不成伐音義

說如字工儻灑消竈孔虺賈寅出奔莒注四子嬰之黨

音義儻力侯反灑所蟹反舊所綺反消生領反徐本作省所幸反一音息井反一音銷虺許鬼反

出羣公子注為昭十年樂高之難復羣公子起本音

義難乃旦反 ○公作楚宮注適楚好其宮歸而作之音義

好呼報反 穆叔曰大誓云民之所欲天必從之注今尚書

大誓亦無此文故諸儒疑之音義大音泰本亦作泰 疏注正

今尚書大誓謂漢魏諸儒馬融鄭玄王肅等所注者也自秦焚詩書漢初求之尚書唯得二十八篇故太

常孔臧與孔安國書云尚書二十八篇前世以為放二十八宿都不知尚書有百篇也在後又得偽大誓

一篇通為二十九篇漢魏以來未立於學官馬融尚書傳序云大誓後得案其文似若淺露又春秋引大

誓曰民之所欲天必從之國語引大誓曰朕夢協朕卜襲于休祥戎商必克孟子引大誓曰我武惟揚侵

于之疆則取于凶殘我伐用張于湯有光孫卿引大誓曰獨夫紂禮記引大誓曰予克紂非予武惟朕文考無罪紂克予非朕文考有罪惟予小子無良令之大誓皆無此言吾見書傳多矣所引大誓而不在大誓者甚衆不復悉記略引五事以明之亦可知已王肅亦云大誓近非本經是諸儒疑之也杜氏在晉之初亦未見真本及江東晉元帝時其豫章內史梅賾始獻孔安國所注古文尚書其內有泰誓二篇記傳所引大誓其文悉皆有之君欲楚也夫故作其宮若不復適楚必

死是宮也六月辛巳公薨于楚宮叔仲帶竊其拱璧

注拱璧公大璧音義

夫音扶復扶又反拱九勇反

以與御人納諸

其懷而從取之由是得罪注得罪謂魯人薄之故子

孫不得志於魯○立胡女敬歸之子子野注胡歸姓

之國敬歸襄公妾次于季氏秋九月癸巳卒毀也注

過哀毀瘠以致滅性音義瘠在亦反○己亥孟孝伯卒注

終穆叔言立敬歸之娣齊歸之子公子稠注齊諡稠

昭公名音義娣大計反齊歸如穆叔不欲曰大子死字注同稠直由反

有母弟則立之無則立長注立庶子則以年音義長

丈年均擇賢義均則卜古之道也注先人事後卜筮

也義均謂賢等非嫡嗣何必娣之子注言子野非適

嗣音義

適丁歷反

且是人也居喪而不哀在感而有嘉容

是謂不度不度之人鮮不為患若果立之必為季氏

憂武子不聽卒立之比及葬三易衰衰衽如故衰注

言其嬉戲無度音義

鮮息淺反比及必利反一本無及字三如字又息暫反衰本又

作綴亦作襖同七雷反下同衽而甚反徐而鴇反裳下也嬉許其反疏正義曰喪服注凡用布三尺五寸上正一尺兩燕尾衰衰裁二尺五寸下廣四寸綴於身傍所以掩裳際也於是

昭公十九年矣猶有童心君子是以知其不能終也

注為昭二十五年公孫於齊傳○冬十月滕成公來

會葬情而多涕注情不敬也音義

情徒臥反
涕他禮反

子服惠

伯曰滕君將死矣怠於其位而哀已甚兆於死所矣

注有死兆能無從乎注為昭三年滕子卒傳○癸酉

葬襄公公薨之月子產相鄭伯以如晉晉侯以我喪

故未之見也子產使盡壞其館之垣而納車馬焉士

文伯讓之曰敝邑以政刑之不脩寇盜充斥注充滿

斥見言其多音義

相息亮反盡子恐反壞音怪下皆
同館古亂反字從食字林云客舍

也旁作舍非垣音袁
牆也斥見賢通反

無若諸侯之屬辱在寡君者何

是以令吏人完客所館注館舍也音義

命力呈反下注同完音丸

高其閉閤注閤門也音義

閉戶旦反說文云閤也汝南平輿縣里門曰閉沈云

閉也閤獲耕反杜云門也爾雅云術門謂之閤是也爾雅又云所以止扉謂之閤然爾雅本扉之名或作

閤字讀者因攷左傳傳皆作各音案下文云門不容車此云高其閉閤俱謂門耳於義自通無為穿鑿

疏正義曰說文云閉門也汝南平輿里門曰閉釋宮云術門謂之閤李巡云術頭門也然則閉閤皆門

名言高為其門耳厚其牆垣以無憂客使注無令客使憂寇

盜音義使所吏反注同今吾子壞之雖從者能戒其若異客

何以敝邑之為盟主繕完葺牆注葺覆也音義從才用反

下賓從同葺侵入反徐音集疏正義曰周禮任人有一音子入反謂以草覆牆葺屋瓦屋瓦屋以瓦

覆葺屋以草覆此云葺牆謂草覆牆也以待賓客若皆毀之其何以共

命寡君使勾請命注請問毀垣之命音義共音恭勾本作丐古

害字士文伯名也今傳本皆作勾字或作丐字釋例亦然解者云士伯是范氏之族不應與范宣子同名

作丐是也案士文伯字伯瑕又春秋時人名字皆相配楚令尹陽丐字子瑕即與文伯名字正同又鄭有

駟乞字子瑕勾與乞義同則作勾者是又案魯有仲嬰齊是莊公之孫又有公孫嬰齊是文公之孫仲嬰

齊於公孫嬰齊為從祖同時同名鄭有公孫段字子石又云伯石印段字子石傳又謂之二子石然印段

即公孫段從父兄弟之子尚同疏正義曰白士文伯名字伯瑕與宣子何廢同乎名也晉宋古本及

釋例皆作丐俗本作句此士文伯是范氏之別族不宜與范宣子同名今定本作句恐非對曰以

敝邑褊小介於大國注介間也誅求無時注誅責也

是以不敢寧居悉索敝賦以來會時事注隨時來朝

會音義

索所白反一音悉各反

逢執事之不間而未得見又不

獲聞命未知見時不敢輸幣亦不敢暴露其輸之則

君之府實也非薦陳之不敢輸也注薦陳猶獻見也

音義

間音閑見賢遍反下及注同暴步卜反下同

其暴露之則恐燥濕之

不時而朽蠹以重敝邑之罪僑聞文公之為盟主也

注僑子產名文公晉重耳音義

燥素早反蠹丁故反
蟲敗也以重直用反

下重罪同僑其驕
反重耳直龍反

宮室卑庠無觀臺榭以崇大諸侯

之館館如公寢庫廡繕脩司空以時平易道路注易

治也音義

庠音婢亦音卑觀古亂反榭音謝本亦作
謝土高曰臺有木曰榭廡九又反易以豉

反注

疏

正義曰釋宮云四方而高曰臺有木者謂之
榭李巡云臺上有屋謂之榭然則臺榭皆高

可升之以觀望言無觀望之臺榭也注正義曰
言往前文公之客館如今日晉君之路寢也 巧人

以時填館宮室注巧人塗者填塗也音義

巧本作汚
同音烏填

莫歷

疏

正義曰釋宮云鏝謂之朽李巡曰鏝一名朽
塗工作具也郭璞云泥鏝也然則巧是塗之

所用因謂泥牆屋之人為巧人填亦泥也
使此泥屋之人以時泥塗客館之宮室也
諸侯賓至

甸設庭燎注庭燎設火於庭音義

甸徒遍反燎力妙反徐力遙反一音

力弔反庭燎大燭

疏

正義曰郊特牲云庭燎之百由齊桓公始也鄭玄云僭天子也庭燎之差公蓋

五十侯伯子男皆三十

僕人巡宮注巡宮行夜音義

行下孟反下巡行同

車馬有所注有所處賓從有代注代客役巾車脂轄

注巾車主車之官音義

巾車如字劉昌宗周禮音居覲反轄戶轄反

隸人

牧圉各瞻其事注瞻視客所當得音義

瞻之廉反

百官之

屬各展其物注展陳也謂羣官各陳其物以待賓公

不留賓而亦無廢事注賓得速去則事不廢憂樂同

之事則巡之注巡行也音義

樂音洛

教其不知而恤其

不足賓至如歸無寧菑患注言見遇如此寧當復有

菑患邪無寧寧也音義

菑音災復扶又反

不畏寇盜而亦不

患燥濕今銅鞮之宮數里注銅鞮晉離宮音義

鞮丁分反

數所主反

而諸侯舍於隸人注舍如隸人舍門不容車而

不可踰越注門庭之內迫迤又有牆垣之限音義

迤側

百反 疏

注正義曰知非館門卑小不得容車而云門庭之內迫迤者以傳稱舍於隸人明院宇迤小也

盜賊公行而天厲不戒注厲猶災也言水潦無時音

義

潦音老

賓見無時命不可知若又勿壞是無所藏幣

以重罪也敢請執事將何所命之注問晉命已所止

之宜音義

見賢
遍反

雖君之有魯喪亦敝邑之憂也注言

鄭與魯亦有同姓之憂若獲薦幣注薦進也脩垣而

行注行去也君之惠也敢憚勤勞文伯復命注反命

於晉君趙文子曰信注信如子產言我實不德而以

隸人之垣以羸諸侯注羸受也音義

羸音盈

疏

注曰賈服

正義

王注皆讀為盈盈是滿也故皆訓為受

是吾罪也使士文伯謝不敏焉

晉侯見鄭伯有加禮注禮加敬厚其宴好而歸之乃築諸侯之館叔向曰辭之不可以已也如是夫子產有辭諸侯賴之若之何其釋辭也詩曰辭之輯矣民之協矣辭之繹矣民之莫矣注詩大雅言辭輯睦則

民協同辭說繹則民安定莫猶定也音義

好呼報反如是夫音

扶讀者亦以夫為下句首輯音集又七入反繹本又作懌音亦說音悅

其知之矣注謂

詩人知辭之有益○鄭子皮使印段如楚以適晉告

禮也注得事大國之禮○莒犁比公生去疾及展輿

注犁比莒子密州之號音義

犁力私反或音力兮反比音毗去起呂反輿音

餘本又作與音同

既立展輿注立以為世子又廢之犁比公

虐國人患之十一月展輿因國人以攻莒子弑之乃

立注展輿立為君音義

弑之乃立弑音試本或作乃自立者誤

去疾奔

齊齊出也注母齊女也展輿吳出也注為明年奔吳

傳書曰莒人弑其君買朱組注買朱組密州之字音

義

組仕居反

言罪之在也注罪在組也傳始例申明君臣

書弒今者父子故復重明例音義

復扶又反
重直用反

○吳子

使屈狐庸聘于晉注狐庸巫臣之子也成十年適吳

為行人音義

屈君勿反
狐音胡

通路也注通吳晉之路趙文

子問焉曰延州來季子其果立乎注延州來季札邑

疏

正義曰釋例土地名延州來闕不知其處則杜謂延州來三字共為一邑服虔云延陵也州來邑

名季子讓王位升延陵為大夫食邑州來傳家通言之案傳文謂之延陵季子則是延陵與州來必不得為一但不知何以呼為延陵耳或延陵亦是邑名蓋並食二邑故連言之巢隕諸樊注在

二十五年音義

隕于敏反

閻戕戴吳注在二十五年戴吳

餘祭音義

關音昏戕在良反祭側界反

天似啟之何如對曰不立

是二王之命也非啟季子也若天所啟其在今嗣君

乎注嗣君謂夷昧甚德而度德不失民注民歸德度

不失事注審事情民親而事有序其天所啟也有吳

國者必此君之子孫實終之季子守節者也雖有國

不立注言其三兄雖欲傳國與之終不肯立音義

傳直

專反○十二月北宮文子相衛襄公以如楚注文子北

宮佗襄公獻公子音義

相息亮反

宋之盟故也注晉楚之

從交相見也過鄭印段廷勞于棊林如聘禮而以勞

辭注用聘禮而用郊勞之辭音義

過五禾反廷于况反勞力報反下及

注同棊芳尾反本又作斐

文子入聘注報印段子羽為行人馮簡

子與子大叔逆客注逆文子事畢而出言於衛侯曰

鄭有禮其數世之福也其無大國之討乎詩云誰能

執熱逝不以濯注詩大雅濯以水濯手音義

數所主反濯直

角禮之於政如熱之有濯也濯以救熱何患之有注

此以上文子辭音義

上時掌反

子產之從政也擇能而使

之馮簡子能斷大事子大叔美秀而文注其貌美其

才秀音義

斷丁亂反下同

公孫揮能知四國之為注知諸侯

所欲為而辨於其大夫之族姓班位貴賤能否而又

善為辭令裨諶能謀謀於野則獲注得所謀也音義

裨婢支反諶市林反

謀於邑則否注此才性之敝鄭國將有諸

侯之事子產乃問四國之為於子羽且使多為辭令

與裨諶乘以適野使謀可否而告馮簡子使斷之事

成乃授子大叔使之以應對賓客是以鮮有敗事

北宮文子所謂有禮也注傳跡子產行事以明北宮

文子之言音義

乘繩證反
鮮息淺反

○鄭人游于鄉校注鄉之

學校音義

校戶孝反下同
鄭國謂學為校

以論執政注論其得失然

明謂子產曰毀鄉校如何注患人於中謗議國政音

義

謗布疏
浪反
正義曰詩序云子衿刺學
校廢是校為學之別名

子產曰何為夫

人朝夕退而游焉以議執政之善否其所善者吾則

行之其所惡者吾則改之是吾師也若之何毀之我

聞忠善以損怨注為忠善則怨謗息音義

夫音扶下
并注同朝

直遙反舊如字惡
鳥路反又如字

不聞作威以防怨注欲毀鄉校即

作威豈不遽止然猶防川注遽畏懼也音義

遽其據反大

決所犯傷人必多吾不克救也不如小決使道注道

通也音義

道音導注同

不如吾聞而藥之也注以為己藥

石疏

正義曰言不如不毀鄉校使人游處其中聞
諗我之政者而即改焉以為我之藥石也

然

明曰蔑也今而後知吾子之信可事也小人實不才

若果行此其鄭國實賴之豈唯二三臣仲尼聞是語

也曰以是觀之人謂子產不仁吾不信也注仲尼以

二十二年生於是十歲長而後聞之音義

長丁疏注
丈反

義曰公羊傳於二十一年下云十有一月庚子孔子生穀梁傳於二十一年十月之下云庚子孔子生二十一年賈逵注經云此年仲尼生哀十六年夏四月己丑卒七十三年昭二十四年服虔載賈逵語云是歲孟僖子卒屬其子使事仲尼仲尼時年三十五定以孔子為襄二十一年生也孔子世家云魯襄公二十二年而孔子生年七十三魯哀公十六年夏四月己丑卒杜此注從史記也

○子皮欲使

尹何為邑注為邑大夫子產曰少未知可否注尹何

年少音義

少詩照
反注同

子皮曰愿吾愛之不吾叛也注愿

謹善也音義

愿音
願

疏

正義曰謂尹何也劉炫云叛違也欲令子產不於我有違得使

尹何為邑也

使夫往而學焉夫亦愈知治矣注夫謂尹何

音義

治直吏反下注之治同

疏

正義曰病差謂之愈言不能之病愈知治必速也劉炫云尹何

比未解治邑以為已病今若遣往學治邑之病差自然以為知治邑矣

子產曰不可人

之愛人求利之也令吾子愛人則以政注以政與之

猶未能操刀而使割也其傷實多注多自傷音義

操七

刀反其傷實多一本作其傷多

子之愛人傷之而已其誰敢求愛於

子子於鄭國棟也棟折榱崩僞將厭焉敢不盡言子

有美錦不使人學製焉注製裁也音義

棟丁弄反榱所追反椽也

厥本又作壓於甲反徐
於輒反下同製音制

大官大邑身之所庇也而使

學者製焉其為美錦不亦多乎注言官邑之重多於

美錦音義

所庇必利
反又音祕

僑聞學而後入政未聞以政學

者也若果行此必有所害譬如田獵射御貫則能獲

禽注貫習也音義

貫古
患反

若未嘗登車射御則敗績厥

覆是懼何暇思獲子皮曰善哉虎不敏吾聞君子務

知大者遠者小人務知小者近者我小人也衣服附

在吾身我知而慎之大官大邑所以庇身也我遠而

慢之注慢易也音義

覆芳服反
易以鼓反

微子之言吾不知也

他日我曰子為鄭國我為吾家以庇焉其可也今而後知不足注自知謀慮不足謀其家自今請雖吾家聽子而行子產曰人心之不同如其面焉吾豈敢謂子面如吾面乎抑心所謂危亦以告也子皮以為忠故委政焉子產是以能為鄭國注傳言子產之治乃子皮之力○衛侯在楚北宮文子見令尹圍之威儀言於衛侯曰令尹似君矣將有他志注言語瞻視行

步不常疏

正義曰言令尹威儀已是國君之容矣服虔云言令尹動作似君儀故云似君矣服

言似君儀者明年傳云二執戈者前矣是用君儀也俗本作以君若云以君不須言矣今定本亦作以字

非恐雖獲其志不能終也詩云靡不有初鮮克有終終

之實難令尹其將不免公曰子何以知之對曰詩云

敬慎威儀惟民之則令尹無威儀民無則焉民所不

則以在民上不可以終公曰善哉何謂威儀對曰有

威而可畏謂之威有儀而可象謂之儀君有君之威

儀其臣畏而愛之則而象之故能有其國家令聞長

世臣有臣之威儀其下畏而愛之故能守其官職保族宜家順是以下皆如是是以上下能相固也衛詩

曰威儀棣棣不可選也注詩邶風棣棣富而閑也選

數也音義

鮮息淺反令聞音問本亦作問衛詩此邶詩刺衛頃公故曰衛詩棣棣本又作逮直

待反選息充反注同數所主反下文同

言君臣上下父子兄弟内外大

小皆有威儀也周詩曰朋友攸攝攝以威儀注詩大

雅攸所也攝佐也言朋友之道必相教訓以威儀也

周書數文王之德注逸書曰大國畏其力小國懷其

德言畏而愛之也詩曰不識不知順帝之則言則而

象之也注大雅又言文王行事無所斟酌唯在則象

上天音義

斟之林反

疏

正義曰尚書武成篇曰大國以威加小國以德撫故大畏力小懷德

也不識不知謂不妄斟酌以為識知惟順天之法則是言則而象之謂文王法則放象上天而行下傳覆此謂天下則象文王不同者謂文王能則象於天故天下亦則象文王也

紂囚文王七年

諸侯皆從之囚紂於是乎懼而歸之可謂愛之文王

伐崇再駕而降為臣注文王聞崇德亂而伐之三旬

不降退脩教而復伐之因壘而降音義


降戶江反復扶又反

正義曰傳言囚文王七年文王必七年為囚矣尚書無逸云文王受命唯中身厥享國五十年則文王在位歷年多矣未知何時被囚也周本紀稱紂囚西伯於牖里閔天之徒求美女美寶而獻之紂紂大說乃赦西伯賜之弓矢使之得征伐其下乃云虞芮爭獄俱讓而去諸侯聞之曰西伯受命之君也如馬遷所云虞芮質獄之前被囚也尚書傳稱文王一年質虞芮二年伐邗三年伐密須四年伐犬夷紂乃囚之四友獻寶乃得免於虎口出而伐者鄭玄尚書注據書傳為說云紂聞文王斷虞芮之訟後又三伐皆勝始畏而惡之拘於羑里紂得散宜生等獻寶而釋文王文王釋而伐黎以為四年囚之五年釋之即如所言被囚不盈一年此傳不得言紂囚文王七年也文王既已改元而又專伐諸國是則反形已露雖紂之愚非寶貨所能釋也馬遷之言當得其實蠻夷帥服可在質虞芮之前囚之故囚之得七年也

謂畏之文王之功天下誦而歌舞之可謂則之文王
之行至今為法可謂象之有威儀也故君子在位可
畏施舍可愛進退可度周旋可則容止可觀作事可
法德行可象聲氣可樂動作有文言語有章以臨其

下謂之有威儀也音義

行下孟反下同
樂音洛又音岳



春秋左傳注疏卷四十

春秋左氏傳注疏卷四十考證

傳三月癸未晉悼夫人食輿人之城杞者絳縣人或年
長矣無子而往與於食有與疑年使之年曰臣小人
也不知紀年臣生之歲正月甲子朔四百有四十五
甲子矣其季于今三之一也○漢書律歷志曰僖公
五年正月辛亥朔旦冬至是歲距辛亥百一十三年
三月有癸未上距文公十一年會于承筐之歲夏正
月甲子朔凡四百四十有五甲子奇二十日為日二

萬六千六百有六旬趙沔補注曰劉待制云季者末也令今日也謂已得四百四十四全甲子其末一甲子六十日而今乃癸未纔得二十日也故曰三之一傳使為君復陶疏衣服之名復陶其義未聞○服監本訛作冠今改正

傳以為絳縣師疏蓋以居在絳邑○居監本訛作車今改正

傳君子謂宋共姬女而不婦○王應麟曰宋伯姬先儒

謂婦人中之伯夷左氏謂女而不婦非也臣照按伯

姬守禮以死于火視死生如蟬蛻然火非所畏而非禮之是畏所為與日月爭光者矣而其時之君子譏其女而不婦左氏記其語俾後世知其時之人視節義輕而妄議論人長短如此也

傳禕竈指之曰猶可以終歲注歲星十二年而一周○周監本訛作歲今改正

傳歲在姬訾之口疏○姬訾爾雅訾作𦉳其疏又仍作

訾今並如其本文

傳高其閉閼音義爾雅云術門謂之閼○各本俱作衡

門謂之閼今依爾雅改正臣召南按郭璞注爾雅引

此傳曰閼長杙即門槩也與杜注異

傳延州來季子其果立乎疏季子讓王位升延陵為大

夫○臣召南按升延陵為大夫文義不順疑當作居

延陵為大夫

又疏但不知何以呼為延陵耳○臣召南按吳世家

曰季札封於延陵故號曰延陵季子其說曉然又按漢書地理志會稽郡毗陵季札所居顏師古注曰舊延陵漢改之又沛郡下蔡故州來國為楚所滅後吳取之至夫差遷蔡昭侯於此然則夫差以前為季札食邑矣

傳不如吾聞而藥之也○王應麟曰子產不以防怨為善而怨自弭故與鄭俱昌李斯以分過為忠而過益彰故與秦俱亡

春秋左氏傳注疏卷四十考證

欽定四庫全書

經部

春秋左傳注疏卷四十一

詳校官監察御史臣王爾烈

給事中臣溫常綬覆勘

覆校官中書臣汪日章

校對官典簿臣劉光第

謄錄監生臣陸鼎

欽定四庫全書

春秋左傳注疏卷四十一

起昭公元年
盡元年

晉杜氏注

唐陸德明音義

孔穎達疏

昭公音義

陸曰昭公名稠襄公子母齊歸在位二十五年遜于齊在外八年凡三十三年薨于

乾侯謚法威儀恭明日昭

疏正義曰魯世家昭公名稠襄公之子齊歸所生以周景王四年即位謚法

威儀恭明日昭是歲歲在大梁

經元年春王正月公即位注無傳

叔孫豹會晉趙武楚公子圍齊國弱宋向戌衛齊惡陳

公子招蔡公孫歸生鄭罕虎許人曹人于虢注招實陳

侯母弟不稱弟者義與莊二十五年公子友同今讀舊

書則楚當先晉而先書趙武者亦取宋盟貴武之信故

尚之也衛在陳蔡上先至於會音義

招常遠反虢瓜百反當先悉薦反

疏

注正義曰八年經書陳侯之弟招故知是陳侯母弟也

不稱弟云云莊二十五年注云公子友莊公之母弟稱公子者史策之通言母弟至親異於他臣其相殺

害則稱弟以示義至於嘉好之事兄弟篤睦非例所興或稱弟或稱公子仍舊史之文也八年招殺世子故稱

弟以章招罪此本使以會諸國非義例之所興舊史書為公子而仲尼因之也公羊傳曰此陳侯之弟招也何以不稱弟貶曷為貶殺世子偃師貶大夫相殺稱人此

其稱名氏以殺何言將自是弑君也然則曷為不於其
弑焉貶以親者弑然後其罪惡甚春秋不待貶絕而罪
惡見者不貶絕以見罪惡也貶絕然後罪惡見者貶絕
以見罪惡也今招之罪已重矣曷為復貶乎此著招之
有罪也何著乎招之有罪言楚之託乎討招以滅陳也
其意言八年楚託討於招以滅陳著招之罪重故於此
預貶之先儒或取公羊為說釋例云穎氏曰臣無竟外
之交故去弟以貶季友子招樂憂故去弟以懲過鄭段
去弟唯以名通故謂之貶今此二人皆書公子公子者
名號之美稱非貶詞也是解招不稱弟之意也春秋之
初衛在陳上莊十六年注云陳國小每盟會皆在衛下齊桓
在陳下莊十六年注云陳國小每盟會皆在衛下齊桓
始霸楚亦始強陳侯介于二大國之間而為三恪之客
故齊桓因而進之遂班在衛上終於春秋是衛之班次
常在陳下今衛乃在蔡之上必有其故也襄十年諸侯
伐鄭齊世子光序在滕子之上傳曰齊崔杼使太子光

先至于師故長於滕是先至有進班之理故謂此為先至於會故也

三月取郟注不稱將帥將卑師少書取言易也音義

音郟

運將子匠反下同帥疏注正義曰將卑師少例當稱人

所類反易以豉反魯史不得自言魯人直書所為

之事明其有人取之也若將卑師衆則言師取某襄十

三年傳例云凡書取言易也故社以此為易耳賈逵云

楚以伐莒來討故諱伐不諱取劉炫以賈說為是故又

規社云案傳武子伐莒知非將卑師少也稱伐則是非

易也社何得以為易將卑師少乎今剛定知不然者以

諸稱取傳皆以易釋之此取文與彼同故以為易也若

以武子伐而取之則致力難重當以滅為文與滅項同

也案滅項被討不諱滅此亦被討何以諱滅而言取若

必有所諱當傳有其事今傳言莒魯爭郟為日久矣魯

無大罪亦何所諱也傳云武子伐莒者武子為伐莒之

主耳別造小將而行故不書武子猶如成二年傳言楚子重侵衛經書楚師杜云子重不書不親兵之類是也不書伐者以兵未加鄆鄆人逆服與襄九年傳稱諸侯圍鄭經不書杜云鄭人逆服不成圍相似劉以賈氏之注而規杜氏非也

夏秦伯之弟鍼出奔晉注稱弟罪秦伯音義鍼具廡反

六月丁巳邾子華卒注無傳三同盟注正義曰華以襄十八年即位

十九年盟于祝柯二十年于澶淵二十五年于重丘皆邾魯俱在是三同盟

晉荀吳帥師敗狄于大鹵注大鹵大原晉陽縣音義大鹵

大如字徐音泰鹵音魯穀梁傳云中國曰大原夷狄曰大鹵

秋莒去疾自齊入于莒注國逆而立之曰入音義

去起呂反

莒展與出奔吳注弑君賊未會諸侯故不稱爵音義

莒展

與出奔吳一本

莒展出奔吳

疏

注正義曰釋例云諸侯不受先君之命而篡立得與諸侯會者則以成君

書之若未得接於諸侯則不稱爵傳曰會于平州以定公位又曰先君若有罪則君列諸會矣此以會為斷也是杜據彼傳之二文知此為未會諸侯不稱爵

叔弓帥師疆鄆田注春取鄆今正其封疆音義

疆居良反注同

葵邾悼公注無傳

冬十有一月己酉楚子麋卒注楚以瘧疾赴故不書弑

音義麋九倫反以瘡音虐書疏注正義曰傳稱縊而殺

鄭子駟使賊夜弒僖公而以瘡疾赴于諸侯而經書為卒知此亦以瘡疾赴故不書弒

公子比出奔晉注書名罪之疏注正義曰齊崔氏宋司

無罪狀直以不能自固其位耳出奔無可善無可善即是罪未必犯大罪也

傳元年春楚公子圍聘于鄭且娶於公孫段氏伍舉

為介注伍舉椒舉介副也音義娶七住反介音界注同將入館

注就客舍鄭人惡之注知楚懷詐音義惡烏路反使行人

子羽與之言乃館於外注舍城外既聘將以眾逆注

以兵入逆婦子產患之使子羽辭曰以倣邑褊小不

足以容從者請墀聽命注欲於城外除地為墀行婚

禮音義

褊必淺反下同從才用反墀音善

令尹命太宰伯州犁對曰

君辱貶寡大夫園謂園將使豐氏撫有而室注豐氏

公孫段音義

貶况貶音

園布几筵告於莊共之廟而來注

莊王園之祖共王園之父音義

几本亦作機筵音延共音恭

疏正

曰聘禮臣奉君命聘于鄰國猶尚幣于禰乃行况婚是嘉禮之重故園自布几筵告祖父母之廟而來也文王世子曰五廟之孫祖廟未毀雖為庶人冠取妻必告鄭玄云告於君也亦既告君必須告廟君尊不

主臣婚故
圖自告也

若野賜之是委君貶於草莽也是寡大夫

不得列於諸御也注言不得從御禮音義

莽莫
疏正
義

曰言我若受野賜之禮則是委頓我君之命得貶
於草莽之中則是寡大夫不得列於諸御之位也

不

寧惟是又使圖蒙其先君注蒙欺也告先君而來不

得成禮於女氏之廟故以為欺先君疏

正義曰不寧
寧也言寧有

唯是之事又使圖蒙其先君連讀為義也告廟云將
向豐氏之家取妻若使受之於野不至豐氏之家是
欺先君也言又者既辱今
君又辱先君故云又也

將不得為寡君老注大臣

稱老懼辱命而黜退其蔑以復矣唯大夫圖之子羽

曰小國無罪恃實其罪注恃大國而無備則是罪將
恃大國之安靖已而無乃包藏禍心以圖之小國失
恃而懲諸侯使莫不憾者距違君命而有所壅塞不
行是懼注言已失所恃則諸侯懲恨以距君命壅塞
不行所懼唯此音義懲直井反憾戶暗反壅本又
作雍於勇反注及下注同不

然敝邑館人之屬也注館人守舍人也其敢愛豐氏

之桃注桃遠祖廟音義

桃他彫反疏注正義曰祭法云遠

言超也超上去意也以桃是尊遠之意故以桃言廟
耳此公孫段是穆公之孫子豐之子其家唯有子豐

之廟君若特賜或得立穆公之廟耳其家無遠祖廟也杜言遠祖廟者順傳文且據正法言之

伍舉

知其有備也請垂橐而入注垂橐示無弓音義

橐古刀反

也弓衣許之正月乙未入逆而出遂會於虢注虢鄭地

尋宋之盟也注宋盟在襄二十七年祁午謂趙文子

曰宋之盟楚人得志於晉注得志謂先軟午祁奚子

音義軟所洽反今令尹之不信諸侯之所聞也子弗戒懼

又如宋注恐楚復得志音義復扶又反子木之信稱於諸

侯猶詐晉而駕馬注駕猶陵也詐謂表甲音義駕如字又

音加注及下
同表音忠

况不信之尤者乎注尤甚也楚重得志

於晉晉之耻也子相晉國以為盟主於今七年矣注

襄二十五年始為政以春言故云七年音義

重直用反相息

亮疏

正義曰襄二十五年傳云趙文子為政至此八年也而云七年者毅周雖改正朔常以夏正為

言此春正月故為七年

再合諸侯注襄二十五年會

夷儀二十六年會澶淵疏

正義曰襄二十六年經書公會晉人鄭良霄宋人魯

人于澶淵晉人即趙武也時有魯公在會雖則唯公一人即是諸侯不得謂之大夫也故知再會諸侯數

也澶淵

三合大夫注襄二十七年會于宋三十年會澶

淵及今會號也服齊狄寧東夏注襄二十八年齊侯

白狄朝音義

夏戶雅反

平秦亂注襄二十六年秦晉為

成城淳于注襄二十九年城杞之淳于杞遷都音義

淳音純

師徒不頓國家不罷民無謗讟注讟誹也音義

罷音皮讟音獨誹非畏反

疏注正義曰說文云謗毀也誹誹也則謗讟誹其義同皆是非毀人古人重

言之猶險阻艱難也

諸侯無怨天無大災子之力也有令名矣

而終之以耻午也是懼吾子其不可以不戒文子曰

武受賜矣注受午言燕宋之盟子木有禍人之心武

有仁人之心是楚所以駕於晉也今武猶是心也楚

又行僭注僭不信音義

僭子念反下同

非所害也我將信以

為本循而行之譬如農夫是穰是莖注穰耘也壅苗

為莖音義

穰彼驕反莖古本反耘音云除草也

疏

注正義曰漢書食貨志云后稷始剛田以

二耜為耦廣尺深尺曰畎長終一畎一畝三畎一夫

三百畎而播種于畎中苗生三葉以上稍壯耨壅草

因壅為土以附苗根故其詩云或耘或耔黍稷薿薿

耘除草也耔附根也言苗稍壯每耨輒附其根比至
盛暑壅盡平而根深能風與旱故薿薿而盛也此言
穰衮即詩之耘耔也故知穰是耨以土壅苗根為莖
也耨定
本耘 雖有饑饉必有豐年注言耕鋤不以水旱息

必獲豐年之收音義

饑其斯反鉏住居反
收手又反又如字

疏

正義曰
言耕鉏

不息必有豐年之收以喻禮
信不愆必為諸侯之長也

且吾聞之能信不為人

下吾未能也注自恐未能信也詩曰不僭不賊鮮不

為則信也注詩大雅僭不信賊害人也音義

鮮息
淺反能

為人則者不為人下矣吾不能是難楚不為患楚令

尹圉請用牲讀舊書加于牲上而已注舊書宋之盟

書楚恐晉先軟故欲從舊書加于牲上不軟血經所

以不書盟音義

難乃旦反
下注並同

晉人許之三月甲辰盟楚

公子圍設服離衛注設君服二人執戈陳於前以自

衛離陳也疏

注正義曰穆子言似君知設服設君服也唯譏執戈不言衣服則君服即二戈

是也離衛之語必為執戈發端但語畧難明服虔云二人執戈在前在國居君離宮陳衛在門然則執戈在前國君行時之衛非在家守門之衛也守門之衛其兵必多非徒二戈而已縱使在國居君之離宮即名宮門之衛以為離衛其言大不侔矣故杜以離衛即執戈是也言二人執戈陳列於前以自防衛也離之為陳雖無正訓兩人一左一右相離而行故稱衛離亦陳之義

叔孫穆子曰楚公

子美矣君哉注美服似君鄭子皮曰二執戈者前矣

注禮國君行有二執戈者在前疏

注正義曰士喪禮言君臨臣喪之禮

云小臣二人執戈先二人後是知國君之行常有二
執戈者在前也國君亦有二戈在後子皮唯言前有
二戈者當是公子
圓不設後戈故也
蔡子家曰蒲宮有前不亦可乎注

公子圓在會特緝蒲為王殿屋屏蔽以自殊異言既

造王宮而居之雖服君服無所怪也音義緝七疏注

義曰服虔云蒲宮楚君離宮言令尹在國已居君之

宮出有前戈不亦可乎令尹居君離宮事無所出且

諸侯大夫見其在會之儀不識在國所居伯州犂云

此行也辭而假之寡君言行而借戈以衛非在國借

宮以居也故杜以為公子圓在會特緝蒲為

王殿屋以自殊異此亦無所案據要愜人情楚伯州

犂曰此行也辭而假之寡君注聞諸大夫譏之故言

假以飾令尹過鄭行人揮曰假不反矣注言將遂為
君伯州犂曰子姑憂子皙之欲背誕也注襄三十年

鄭子皙殺伯有背命放誕將為國難言子且自憂此

無為憂令尹不反戈音義

背音佩注
同誕音但

子羽曰當璧猶

在假而不反子其無憂乎注子羽行人揮當璧謂棄

疾事在昭十三年言棄疾有當璧之命圓雖取國猶

將有難不無憂也齊國子曰吾代二子愍矣注國子

國弱也二子謂王子圍及伯州犂圍此冬便篡位不

能自終州犂亦尋為園所殺故言可愍音義

篡初疏
患反

注正義曰服虔云愍憂也代伯州犂憂公子園代子羽憂子皙劉炫從服言而規杜失今知不然者以園不能自終伯州犂尋為園所殺是皆遇凶害故云吾代二子愍矣若以二子為伯州犂子羽子羽則卒無禍害又何可愍而代之乎劉以服意而規杜過非也

陳公子招曰不憂何成二

子樂矣注言以憂生事事成而樂音義

樂音洛注及下樂樂而樂

同衛齊子曰苟或知之雖憂何害注齊子齊惡言先

知為備雖有憂難無所損害宋合左師曰大國令小國共吾知共而已注共承失國命不能知其禍福音

義共音恭下及注同晉樂王鮒曰小旻之卒章善矣吾從之

注小旻詩小雅其卒章義取非唯暴虎馮河之可畏

也不敬小人亦危殆王鮒從斯義故不敢譏議公子

園音義

鮒音附旻亡巾反馮皮水反

疏

注正義曰小旻詩小雅刺幽王也

退會子

羽謂子皮曰叔孫絞而婉注絞切也譏其似君反謂

之美故曰婉音義

絞古卯反婉紆阮反注同

宋左師簡而禮注無

所臧否故曰簡共事大國故曰禮音義

否悲矣反舊方凡反

樂

王鮒字而敬注字愛也不犯凶人所以自愛敬子與

子家持之注子子皮子家蔡公孫歸生持之言無所

取與音義

持如字本疏注正義曰持謂執持之也子或作恃誤皮直云二執戈者前矣雖意

知不可而詞無譏切子家云蒲宮有前不亦可乎意雖并譏蒲宮言乃謂之為可不如子羽之譏訐不同伯州犁之飾辭持其兩端無所取與是持之也奕棋謂不能相害為持意亦同于此也

皆保世

之主也齊衛陳大夫其不免乎國子代人憂子招樂

憂齊子雖憂弗害夫弗及而憂與可憂而樂與憂而

弗害皆取憂之道也憂必及之大誓曰民之所欲天

必從之注逸書三大夫兆憂憂能無至于注開憂兆

也言以知物其是之謂矣注物類也察言以知禍福

之類八年陳招殺太子國弱齊惡當身各無患音義

當丁浪反○季武子伐莒取鄆注兵未加莒而鄆服故書

取而不言伐莒人告於會楚告於晉曰尋盟未退注

尋弭兵之盟而魯伐莒瀆齊盟注瀆慢也音義瀆徒木反

請戮其使注時叔孫豹在會欲戮之音義使所吏反下注出使

自使下召使者同樂桓子相趙文子注桓子樂王鮒相佐也

音義相息亮反注同欲求貨於叔孫而為之請使請帶焉注

難指求貨故以帶為辭音義

而為于偽反下注為諸侯同

弗與梁

其蹉曰貨以藩身子何愛焉注蹉叔孫家臣音義

蹉戶

定反藩方元反

叔孫曰諸侯之會衛社稷也我以貨免魯必

受師注言不戮其使必伐其國疏

注正義曰晉語趙文子謂叔孫曰子

盍逃之對曰豹也受命於君以從諸侯之盟為社稷也若魯有罪受盟者逃魯必不免是吾出而危之也若為諸侯戮魯誅盍矣必不加師請為戮也是言不戮其使必伐其國也是禍之也何衛

之為人之有牆以蔽惡也注喻已為國衛如牆為人

蔽牆之隙壞誰之咎也注咎在牆音義

隙去逆反咎其九反注同

衛而惡之吾又甚焉注罪甚牆雖怨季孫魯國何罪

注怨季孫之伐莒叔出季處有自来矣吾又誰怨注

季孫守國叔孫出使所從來久今遇此戮無所怨也

疏正義曰歷檢上世以來季孫出使不少於叔孫而云叔出季處從來久者季孫世為上卿法當上

卿守國次卿出使以此為從來久耳必須使上卿者上卿非不使也然鮒也賄弗與不

已召使者裂裳帛而與之曰帶其褊矣注言帶褊盡

故裂裳示不相逆音義賄呼罪反趙孟聞之曰臨患不忘

國忠也注謂言魯國何罪思難不越官信也注謂言

叔出季處音義

難乃且反下同

圖國忘死貞也注謂不以貨

免謀主三者義也注三者忠信貞有是四者又可戮

乎注并義而四乃請諸楚曰魯雖有罪其執事不辟

難注執事謂叔孫畏威而敬命矣注謂不敢辟戮子

若免之以勸左右可也若子之羣吏處不辟汚注汚

勞事音義

汚音烏注及下同

疏

注正義曰處國之所辟者唯

也言事之勞身若穢之汚物也

出不逃難注不苟免其何患之有患

之所生汚而不治難而不守所由來也能是二者又

何患焉不靖其能其誰從之注安靖賢能則衆附從
魯叔孫豹可謂能矣請免之以靖能者子會而赦有
罪注不伐魯又賞其賢注叔孫諸侯其誰不欣焉
望楚而歸之視遠如邇疆場之邑一彼一此何常之

有注言今衰世疆場無定主音義

疆居良反注及下
封疆莒之疆事同

場音亦
注同

王伯之令也注言三王五伯有令德時疏注

義曰以傳言王伯故言三王下云虞有三苗則帝時
亦有非獨三王也但王亦帝也故傳通言其王耳

引其封疆注引正也正封界而樹之官注樹立也立

官以守國舉之表旗注旌旗以表貴賤音義其旗音疏

正義曰舉立也為立表貴賤之旌旗也故杜云旌旗以表貴賤而著之制令注為諸

侯作制度法令使不得相侵犯過則有刑猶不可壹

於是乎虞有三苗注三苗饜饜放三危者音義饜吐

饜吐夏有觀扈注觀國今頓丘衛縣扈在始平鄂縣

書序曰啟與有扈戰于甘之野音義夏戶雅反觀音

音于商有妣邳注二國商諸侯邳今下邳縣音義妣

典反又商禮周有徐奄注二國皆嬴姓書序曰成王

伐淮夷遂踐奄徐即淮夷音義

盈

自疏

注正義曰二國皆嬴姓世

本文也書序曰成王伐淮夷遂踐奄淮夷與奄同時伐之此徐奄連文故以為徐即淮夷賈逵亦然是相

傳說也服虔云一曰魯公所伐徐戎也案費誓云淮

夷徐戎竝與孔安國云淮浦之夷徐州之戎竝起為

寇則徐亦非國名此徐是國名當謂淮浦之夷其國

名徐書序記其大號此傳言其國名也僖公時楚人

伐徐杜云下邳僮縣東南有大徐城彼近淮旁成王

時徐蓋亦在彼地也此傳所云四代有罪之國其三

苗與有扈徐奄尚書畧有其事其觀與姚邳則史傳

無文傳言王伯之令猶尚有此輩則此輩皆是王道

盛明時諸侯也

自無令王諸侯逐進注逐猶競也狎主齊盟

其又可壹乎注疆弱無常故更主盟音義

狎戶甲反更音庚

恤大舍小足以為盟主注大謂篡試滅亡之禍又馬

用之注馬用治小事音義

馬於虔反注同

封疆之削何國殘

有主齊盟者誰能辯焉注辯治也疏

正義曰言封疆之相侵削何國

無有此乃常事主齊盟者誰能一一治之

吳濮有釁楚之執事豈其顧盟

注吳在東濮在南今建寧郡南有濮夷釁過也音義

濮音卜釁

許漸反

莒之疆事楚勿與知諸侯無煩不亦可乎

莒魯爭鄆為日久矣苟無大害於其社稷可無亢也

注亢禦音義

與音預亢苦浪反徐又音剛禦魚呂反

去煩宥善莫不競

勸疏

正義曰不往討魯諸侯無煩是去煩也叔孫賢人今若赦之是宥善也德義如是餘人莫不統

力勸慕為善矣

子其圖之固請諸楚楚人許之乃免叔孫○

令尹享趙孟賦大明之首章注大明詩大雅首章言

文王明明照於下故能赫赫盛於上令尹意在首章

故特稱首章以自光大音義

去起呂反有音又

趙孟賦小宛

之二章注小宛詩小雅二章取其各敬爾儀天命不

又言天命一去不可復還以戒令尹音義

宛紅阮反復扶又反

疏注正義曰詩序云大夫刺幽王也其二章云人之齊聖飲酒溫克彼昏不知壹醉日富各敬爾儀天

命不又注又復也今女君臣各敬慎威儀天命一去不復來也

事畢趙孟謂叔向曰

令尹自以為王矣何如注問將能成否對曰王弱令

尹彊其可哉注言可成雖可不終趙孟曰何故對曰

彊以克弱而安之彊不義也注安於勝君是彊而不

義不義而彊其斃必速詩曰赫赫宗周褒姒滅之彊

不義也注詩小雅褒姒周幽王后幽王惑焉而行不

義遂至滅亡言雖赫赫威彊不義足以滅之音義

如音

似滅如字詩作威音呼悅反

令尹為王必求諸侯晉少孺矣注孺

弱也音義

懦乃亂反

諸侯將往若獲諸侯其虐滋甚注滋

益也民弗堪也將何以終夫以彊取注取不以道不

義而克必以為道注以不義為道道以淫虐弗可久

已矣注為十二年楚弑靈王傳疏

正義曰以不義謂之為道而淫虐為

之民所不堪不可久矣

○夏四月趙孟叔孫豹曹大夫入於鄭

注會罷過鄭音義

過古禾反

鄭伯蕙享之子皮戒趙孟注

戒享期禮終趙孟賦瓠葉注受所戒禮畢而賦詩瓠

葉詩小雅義取古人不以微薄廢禮雖瓠葉兔首猶

與賓客享之音義

瓠戶故反客享之許丈反又普庚反

子皮遂戒穆叔

且告之注告以趙孟賦瓠葉穆叔曰趙孟欲一獻注

瓠葉詩義取薄物而以獻酬知欲一獻子其從之子

皮曰敢乎注言不敢穆叔曰夫人之所欲也又何不

敢注夫人趙孟音義夫音扶注同及享具五獻之籩豆於

幕下注朝聘之制大國之卿五獻音義

幕武疏注正博反義曰

周禮大行人稱上公饗餼九牢饗禮九獻侯伯七獻子男五獻皆獻數各同饗餼之數也案聘禮卿聘饗餼五牢故卿皆五獻至春秋之時大國之卿乃得從卿禮若次國之卿依大國大夫之制唯三獻耳故杜

此注云大國之卿五獻又昭
六年傳注云大夫三獻是也

趙孟辭注趙孟自以今

非聘鄭故辭五獻私於子產注私語曰武請於冢宰

矣注冢宰子皮請謂賦瓠葉乃用一獻趙孟為客禮

終乃宴注卿會公侯享宴皆折俎不體薦音義折之

疏注正義曰傳言禮終乃宴謂之享禮既終即因而

以其殺俎同故也宣十六年傳云王享有體薦宴有

折俎公當享卿當宴王室之禮也彼傳之意言享公

當依享法有體薦也享卿當如宴法有折俎也彼王

自言之故云王室禮耳其實諸侯之侍公卿禮亦當

然以卿會公侯享宴皆折俎不

體薦享宴俎同故得因行禮也

穆叔賦鵲巢注鵲巢

詩召南言鵲有巢而鳩居之喻晉君有國趙孟治之

趙孟曰武不堪也又賦采繁注亦詩召南義取繁菜

薄物可以薦公侯享其信不求其厚音義繁音煩曰小

國為繁大國省穡而用之其何實非命注穆叔言小

國微薄猶繁菜大國能省愛用之而不棄則何敢不

從命穡愛也音義

省所景反徐所幸反注同

子皮賦野有死麇之

卒章注野有死麇詩召南卒章曰舒而脫脫兮無感

我悅兮無使厖也吠脫脫安徐悅佩巾義取君子徐

以禮來無使我失節而使狗驚吠喻趙孟以義撫諸

侯無以非禮相加陵音義磨亦作磨九倫反脫脫吐外反悅始銳反厖武江反

吠扶廢反趙孟賦常棣注常棣詩小雅取其凡今之人莫

如兄弟言欲親兄弟之國音義常棣直計反且曰吾兄弟

比以安厖也可使無吠注受子皮之詩音義比毗志反下注

德比同穆叔子皮及曹大夫興拜注三大夫皆兄弟國

興起也舉兕爵曰小國賴子知免於戾矣注兕爵所

以罰不敬言小國蒙趙孟德比以安自知免此罰戮

音義兕徐履反庚力計反下同飲酒樂趙孟出曰吾不復此矣注

不復見此樂音義樂音洛注同復扶又反注及下不復年并注同○天王使

劉定公勞趙孟於潁館於雒汭注王周景王定公劉

夏潁水出陽城縣雒汭在河南鞏縣南水曲流為汭

音義勞力報反下以勞之同潁營井反汭如銳反夏戶雅反劉子曰美哉禹功

注見河雒而思禹功明德遠矣微禹吾其魚乎吾與

子弁冕端委以治民臨諸侯禹之力也注弁冕冠也

端委禮衣言今得共服冠冕有國家者有由禹之力

音義

弁冕端委本疏注正義曰冠者首服之總名弁亦作弁端委冕冠中之小別弁冕是首服端

委是身服言弁冕端委總舉冠衣而言非謂定公趙孟身所自衣也哀七年傳云大伯端委以治周禮仲雍嗣之斷髮文身以文身從彼之俗知端委是依禮之衣杜直言端委禮衣不知是何衣也名曰端委又無所說周禮司服於士服之下云其齊服有玄端素端鄭玄云謂之端者取其正也謂士之衣袂皆二尺二寸而屬幅是廣袂等也其袪尺二寸大夫以上侈之侈之者蓋半而益一焉半而益一則其袪三尺三寸袪尺八寸如鄭此言唯士服當端制大夫以上不復端也服虔云禮衣端正無殺故曰端文德之衣尚褒長故曰委案論語鄉黨非惟裳必殺之鄭康成云惟裳謂朝祭之服其制正幅如惟非惟裳者謂深衣削其幅縫齊倍要禮記深衣制短不見膚長不被土然則朝祭之服當曳地服言是也

子盍亦

遠績禹功而大庇民乎注勸趙孟使纂禹功音義

子盍

戶臘反何不也亦遠績禹功本或疏正義曰績亦功也重其言耳遠

績禹功者勸之為大功使遠及後世若大禹也謂對

曰老夫罪戾是懼焉能恤遠吾儕偷食朝不謀夕何

其長也注言欲苟免目前不能念長久音義

馬於虔反下焉

用焉能同儕仕皆疏正義曰儕等也言吾等於彼卑賤苟且飲食之人也劉子

歸以語王曰諺所謂老將知而耄及之者注八十曰

耄耄亂也音義語魚據反知音其趙孟之謂乎為晉

智耄莫報反

正卿以主諸侯而儕於隸人朝不謀夕注言其自比

於賤人而無恤民之心疏

注正義曰趙孟自言吾儕偷食是自比於隸役賤人

也在上位者當憂勞百姓卑賤之人勞身而已自比賤人是無憂民之心也棄神人矣注

民為神主不恤民故神人皆去神怒民叛何以能久

趙孟不復年矣注言將死不復見明年神怒不歆其

祀民叛不即其事祀事不從又何以年注為此冬趙

孟卒起本○叔孫歸注號會歸會天御季孫以勞之

旦及日中不出注恨季孫伐莒使已幾被戮會天謂

會阜注會阜叔孫家臣曰旦及日中吾知罪矣魯以

相忍為國也忍其外不忍其內馬用之注欲受楚戮

是忍其外日中不出是不忍其內阜曰數月於外注

言叔孫勞後在外數月音義數所主一旦於是庸何

傷賈而欲贏而惡囂乎注言譬如商賈求贏利者不

得惡諠囂之聲音義賈音古注同贏音盈注同惡馬

高反注同諠或疏注正義曰言已伐莒求利而不得

作讒呼端反惡日中不出譬如商賈求利不得

惡諠囂之聲以商賈在阜謂叔孫曰可以出矣叔孫

指楹曰雖惡是其可去乎乃出見之注楹柱也以喻

魯有季孫猶屋有柱音義

楹音盈去起呂反

○鄭徐吾犯之

妹美注犯鄭大夫公孫楚聘之矣注楚子南穆公孫

公孫黑又使強委禽焉注禽雁也納採用雁音義

其強

犬反犯懼告子產子產曰是國無政非子之患也唯所

欲與犯請於二子請使女擇焉皆許之子皙盛飾入

布幣而出注布陳贄幣子皙公孫黑音義

贄音至

子南

戎服入左右射超乘而出女自房觀之日子皙信美

矣抑子南夫也注言丈夫音義

乘繩證反

夫夫婦婦所謂

順也疏

正義曰夫如夫道當剛強也婦如婦節當柔弱也如是所謂順也曹大家女誡曰生男如

狼猶恐其虺生女如鼠猶懼其武是男欲剛而女欲柔也

適子南氏子皙怒既而

橐甲以見子南欲殺之而取其妻子南知之執戈逐

之及衝擊之以戈注衝交道音義

橐古刀反本或作衰丁隆反衝尺容

反子皙傷而歸告大夫曰我好見之不知其有異志

也故傷大夫皆謀之子產曰直鈞幼賤有罪罪在楚

也注先聘子南直也子南用戈子皙直也子產力未

能討故鈞其事歸罪於楚音義

好如字一音呼報反直鈞音均絕句

乃

執子南而數之曰國之大節有五女皆奸之注奸犯

也音義

女音汝下皆同奸音干

畏君之威聽其政尊其貴事其

長養其親五者所以為國也今君在國女用兵焉不

畏威也奸國之紀不聽政也注奸國之紀謂傷人音

義

長丁丈反下同養如字下同

子皙上大夫女嬖大夫而弗下之

不尊貴也幼而不忌不事長也注忌畏也音義

嬖必計反

下戶反嫁兵其從兄不養親也君曰余不女忍殺宥女以

遠勉速行乎無重而罪五月庚辰鄭放游楚於吳將

行子南子產咨於太叔注太叔游楚之兄子音義

從

如字又才用反重直用反又直勇反

太叔曰吉不能亢身馬能亢宗注

亢蔽也音義

亢苦浪反

彼國政也非私難也子圖鄭國利

則行之又何疑焉周公殺管叔而蔡蔡叔注蔡放也

音義

難乃旦反而蔡蔡叔上蔡字音素葛反說文作槩音同字從殺下米云槩槩散之也會杜義下

蔡叔

正義曰說文云槩散之也從米殺聲然則槩如字疏字殺下米也槩為放散之義故訓為放也隸

書改作已失本體槩字不復可識寫者全類蔡字至有重為一蔡字重點以讀之者尚書蔡仲之命云周

公乃致辟管叔于商囚蔡叔于郭鄰以車七乘孔安國云囚謂制其出入郭鄰中國之外地名是故蔡叔之事也孔唯言中國之外地不知在何方也 夫豈不愛王室故也疏正義曰夫

謂周公也夫此周公豈不愛管蔡乎所以繫放之為王室故也 吉若獲戾子將行之

何有於諸游注為二年鄭殺公孫惠傳音義 夫音 ○

秦后子有寵於桓如二君於景注后子秦桓公子景

公母弟鍼也其權寵如兩君其母曰弗去懼選注選

數也恐景公數其罪而加戮音義 選息轉反徐素短反注及下同數所

主反注及下文數世同 癸卯鍼適晉其車千乘書曰秦伯之弟

鍼出奔晉罪秦伯也注罪夫教音義

乘絕證反疏正

曰釋例曰秦伯有十乘之國不能容具母弟傳曰罪秦伯則鍼罪輕也言其對兄為輕耳非無罪也公羊以為仕諸晉謂之奔者譏秦伯有十乘之國不能容具母弟故謂之出奔也劉炫云奔者迫窘而去逃死四鄰不以禮出也今鍼適晉乃與母計議緩步而出實非奔也仲尼既書為奔傳釋云罪秦伯秦伯不預教戒其弟不能早為之所致奢富過度懼而去國罪其失兄之教鍼不自知度亦是其罪歸罪秦伯言兄罪耳例曰后子享晉侯注為晉侯設享禮音義偽為于以下同也

造舟于河注造舟為梁通秦晉之道音義

造七報反注同李

注爾雅云比具船而度也郭云併舟為橋疏正義曰詩云造舟為梁是比舟以為橋也釋水云天子造

舟李巡曰比其舟而渡曰造孫炎曰比舟為梁郭璞曰比船為橋皆不解造義蓋造為至義言船相至而

並比也 十里舍車注一舍八乘為八反之脩疏注正義曰直言

十里舍車不知每舍幾車以下言八反知一舍八乘為八反之具也 自雍及絳注雍絳

相去千里用車八百乘音義雅於用反 歸取酬幣注脩九

獻之儀始禮自齋其一故續送其八酬酒幣音義子齋

兮反本 疏注正義曰僖二十二年鄭享楚子為九獻又作費 知此脩九獻之儀也每一獻酒必有幣帛

以隨之后子從始自齋其一以為初獻故續送其八也飲酒之禮主人初獻於賓賓酢主人主人受賓之

酢禮飲訖又飲乃酌以酬賓如是乃成為一獻於酬之時始有幣以勸飲故以為酬酒幣也 終事

八反注每十里以八乘車各以次載幣相授而還不
徑至故言八反千里用車八百乘其二百乘以自隨

故言千乘傳言秦鍼之出極奢富以成禮欲盡敬於

所赴音義

還音環徑古定反

疏

注正義曰服虔以為每於十里置幣車一乘千里百乘以

次相授車率皆日行一百六十里謂從絳向雍去而
復還一享之間八度至也然則千里之路往還八反
車率日行一百六十里計則一萬六千里雖追風逐
日之足猶將不逮于此而后子之馬一何駛乎縱令如
此纔可以章馬疾未足以明車多司馬侯何以怪其
車多而發問也杜以反者謂車反復其故處耳每於
十里置車八乘后子初發幣則續行自齎其一以為
初獻餘則以次續至至則車反比至享終八車皆反

以此謂之八反非言反至雅也此幣發非計已多日故設享之初此八車之幣去絳不過一二十里耳使之相續而來每獻皆到以示己之豪富故令漸送之也如杜此言則后子預前約速使幣早發而未非臨享始取而云歸取酬幣者后子必適晉多日然後該享非初至即享君也為享之具酒食之屬皆在絳俗之其幣亦應於絳倫之乃遣還取秦國之幣故言歸取不言設享之日始歸取也上云其車千乘下司馬侯問其車多則是見車多而發問也故杜辯其事之所在千里用車八百乘其二百乘以自隨故言千乘也傳說此車多之事者言秦鍼之出極奢富以成禮盡敬於所赴之國故為此以示豪也司馬侯問焉曰子之車盡於此而已乎對曰此之謂多矣若能少此吾何以得見注言已坐車多故出奔晉義

見

遍反坐才臥反

女叔齊以告公注叔齊司馬侯音義

女音汝且

曰秦公子必歸臣聞君子能知其過必有令圖令圖天所贊也后子見趙孟趙孟曰吾子其曷歸注問何時當歸對曰鍼懼選於寡君是以此將待嗣君趙

孟曰秦君何如對曰無道趙孟曰亡乎對曰何為一

世無道國未艾也注艾絕也音義

艾魚廢反注同

國於天地

有與立馬注言欲輔助之者多不數世淫弗能斃也趙孟曰天乎對曰有馬趙孟曰其幾何對曰鍼聞之

國無道而年穀和熟天贊之也注贊助佐也音義

居幾

豈反下同鮮不五稔注鮮少也少尚當歷五年多則不啻

音義

稔而甚反啻始鼓反

疏

正義曰國無道而歲又饑則君或早天年穀和熟是天佐助之故少

猶五年多或不啻也期之五年者后子之意耳襄二十七年傳云所謂不及五稔蓋古有此言也

趙

孟視蔭曰朝夕不相及誰能待五注蔭日景也趙孟

意衰以日景自喻故言朝夕不相及誰能待五音義

蔭於金反本亦作陰朝夕如字景如字又於領反疏正義曰趙孟自比於日景此景朝夕尚移不能

相及人命流去與此相似既無常定誰能待五后子出而告人曰趙孟將死

矣主民翫歲而愒日注翫愒皆貪也音義

翫五喚反說文云習

厭也字又作玩愒若蓋反

其與幾何注言不能久音義

與如字又音預 ○

鄭為游楚亂故注游楚子南音義

為于偽反

六月丁巳鄭

伯及其大夫盟于公孫段氏罕虎公孫僑公孫段印

段游吉駟帶私盟於閨門之外實薰隧注閨門鄭城

門薰隧門外道名實之者為明年子產斂子皙罪稱

薰隧盟起本音義

閨音圭薰許云反隧音遂數色主反又色具反

公孫黑強

與於盟使太史書其名且曰七子注自欲同於六卿

故曰七子音義

強其大反與音預

子產弗討注子皙強討之

恐亂國○晉中行穆子敗無終及羣狄于太原注即

大鹵也無終山戎音義

太原音秦疏

正義曰釋例土地名以北戎山戎無終三

名為一北平有無終縣太原即太原郡晉陽縣是也計無終在大原東北二千許里遠就大原來與晉戰不知其何故也蓋與諸戎近晉者相率而共來也襄四年無終子違使如晉請和諸戎則無終是其大者故顯言其國名也崇卒也注崇聚也音義

卒子忽反下及注皆同

將戰

魏舒曰彼徒我車所遇又阨注地險不便車音義

阨本

又作隘於懈反使婢面反

以什共車必克注更增十人以當一車

之用音義

什音十 正義曰周禮十人為什以一什共音恭 疏之人共一車之地故必克也

困諸阨又克注車每困於阨道今去車故為必克音

義

去起呂反 下皆同

請皆卒注去車為步卒自我始乃毀車

以為行注魏舒先自毀其屬車為步陳音義

行戶郎反 陳直

覲反下文五 陳未陳同

五乘為三伍注乘車者車三人五乘十

五人今改去車更以五人為伍分為三伍音義

五乘絕證

反注五 乘同

荀吳之嬖人不肯即卒斬以狗注魏舒輒斬

之荀吳不恨所以能立功音義

狗辭反

為五陳以相離

兩於前伍於後專為右角參為左角偏為前拒注皆

臨時處置之名音義

拒九疏正義曰五陳者即兩伍甫反專參偏是也相離者布

置使相遠也服虔引司馬法云五十乘為兩百二十乘為伍八十一乘為專二十九乘為參二十五乘為偏彼皆準車數多少以為別名此傳去車用卒而有此名則此名不以車數為別也杜云皆臨時處置之名其意不同服說則名與人數不可得知也周禮則五人為伍二十五人為兩無專參偏之名也以

誘之翟人笑之注笑其失常未陳而薄之大敗之注

傳言荀吳能用善謀○莒展與立而奪羣公子秩公

子召去疾于齊秋齊公子鉏納去疾注齊雖納去疾

莒人先召之故從國逆例書入去疾奔齊在襄三十

一年展輿奔吳注吳外孫叔弓帥師疆鄆田因莒亂

也注此春取鄆今正其疆界音義

疆居良反注同

於是莒務

婁瞿胡及公子滅明以大厖與常儀靡奔齊注三子

展輿黨大厖常儀靡莒二邑音義

務婁竝如字務又音謀一音無瞿徐

音茂一音謀厖武江反

君子曰莒展之不立棄人也夫注奪羣

公子秩是棄人音義

扶夫音

人可棄乎詩曰無競維人

善矣注詩周頌言惟得人則國家疆疏

正義曰周頌烈文之篇也

彼注云競彊也無彊乎維得賢人也得賢人則國家彊矣故天下諸侯順其所為也○晉侯有

疾鄭伯使公孫僑如晉聘且問疾叔向問焉曰寡君之疾病卜人曰實沈臺駘為祟史莫之知敢問此何

神也子產曰昔高辛氏有二子伯曰閼伯季曰實沈

注高辛帝嘗音義

駘他才反崇息遂反
關於葛反嘗苦盡反

居於曠林不

相能也注曠林地闕音義

能如字又
奴代反

日尋干戈以相

征討注尋用也后帝不臧注后帝堯也臧善也疏正注

義曰襄九年傳稱閼伯為陶唐氏之火正知后帝是堯也遷閼伯于商丘主辰注

商丘宋地主祀辰星辰大火也商人是因故辰為商

星注商人湯先相土封商丘因闕伯故國祀辰星音

義相息

亮反疏注正義曰殷本紀稱相土契孫是湯之先也

因之故商主大火辰即大火星也故商人祀辰星商謂宋也宋商後故稱商人也遷實沈于

大夏主參注大夏今晉陽縣音義

夏戶雅反注及下同參所林反注及

下同唐人是因以服事夏商注唐人若劉累之等累遷

魯縣此在大夏疏

注正義曰謂之唐人當是陶唐之後二十九年傳云陶唐氏既衰其

後有劉累知此唐人是彼劉累之等類也言等類者謂劉累後世子孫累雖遠魯縣子孫仍在大夏故歷

夏及商也劉炫曰彼稱累事孔甲下云遷于魯縣此云唐人是因以服事夏商則此居於大夏子孫終商不滅非累子孫是其同族等類耳服虔以唐人即是劉累故杜顯而異之云累遷魯縣此在大夏其

季世曰唐叔虞注唐人之季世其君曰叔虞疏

注正曰

服虔以為唐叔虞即下句邑姜所生者也杜以傳說唐人即云季世明季世是唐人之末世叔虞即唐人之末君矣邑姜之子叔虞乃是晉之始祖豈得以後世始封之君謂之前代之末世也故云唐人之季世其君曰叔虞帝命邑姜之子曰虞者將以唐國與之取唐君之名以為名耳

當武王邑姜

方震大叔注邑姜武王后齊大公之女懷胎為震大

叔成王之弟叔虞音義

震本又作娠之慎反又音申懷妊也大音泰注及下同胎

他來疏注正義曰傳言武王邑姜繫之武王知是武王后也十二年傳稱呂伋王舅伋是齊太公

之子丁公也伋為王舅知邑姜是大公之女也說文云娠女妊身動也從女辰聲是懷胎為震震取動義

字書以是女事故今字從女耳夢帝謂已余命而子叔虞成王母弟晋世家文也

曰虞注帝天取唐君之名將與之唐屬諸參而蕃育

其子孫及生有文在其手曰虞遂以命之及成王滅

唐而封大叔焉故參為晋星注叔虞封唐是為晋侯

音義屬之王反蕃音煩叔虞封唐是為晋侯案史記叔虞封唐侯叔虞之子燮父改為晋侯疏

正義曰晋世家云初武王之與叔虞母會時夢天謂武王曰余命汝生子名虞謂此夢為武王之夢也若

是武王之夢此傳直云武王方生大叔其文足矣何以須言邑姜方震也邑姜方震而夢明是邑姜夢矣安得以為武王夢也薄姬之夢龍據其身燕姁之夢蘭為已子彼皆夢發於母此何以夢發於父是馬遷之妄言耳服解此云已武王也是習非而逐迷者也注正義曰晋世家云唐叔子燮是為晋侯杜譜亦云燮父改為晋侯則叔虞之身不稱晋也叔虞為晋之祖故言為晋侯也

由是觀之則實

沈參神也昔金天氏有裔子曰昧為玄冥師生允格

臺駘注金天氏帝少皞裔遠也玄冥水官昧為水官

之長音義

商以制反昧音妹為玄冥師師長疏注正也為官之長皞尸老反長丁丈反義曰

金天氏帝少皞帝系世本文也金天代號少皞身號月令於冬云其神玄冥是玄冥為水官也昧為玄冥

師師訓長也故云昧為水官之長二十九年傳云少
皞氏有四叔修及熙為玄冥昧為金天裔子當是脩
熙之後釋例曰修及熙皆為玄冥
未知昧為誰之子或是其子孫也
臺駘能業其官注

纂昧之業音義

管子

宣汾洺注宣猶通也汾洺二水

名疏

正義曰釋例曰汾水出大原故汾陽縣至河東
汾陰縣入河其洺水闕不知所在當亦是晉地

之水後世竭
涸無其處耳

障大澤注陂障之以處大原注大原晉

陽也臺駘之所居帝用嘉之封諸汾川注帝顓頊疏

注正義曰顓頊為帝承金天之後臺駘是金天裔孫
為臣宜當顯頊故以帝用嘉之為顓頊嘉耳昧於金
天已云裔子臺駘又是昧之所生則去少皞遠矣而
帝系世本皆云少皞是黃帝之子顓頊是黃帝之孫

臣世多而帝世少史籍散亡無可檢勘此事未必然也釋例云采繇則舜之五世從祖父也而及舜共為堯臣堯則舜之三從高祖而妻其女此史記之可疑者也是皆疑不能決因舊說耳

沈如蓐黃

實守其祀注四國臺駘之後今晉主汾而滅之矣注

滅四國由是觀之則臺駘汾神也抑此二者不及君

身山川之神則水旱癘疫之災於是乎禋之注有水

旱之災則禋祭山川之神若臺駘者周禮四曰禋祭

為營攢用幣以祈福祥音義

癘音例疫音後禋音詠徐人音營

日月

星辰之神則雪霜風雨之不時於是乎禋之注星辰

之神若實沈者疏

正義曰水旱癘疾在地之災山川帶地故祭山川之神也霜雪風雨

天氣所降日月麗天故祭日月星辰之神也此因其所在分繫之耳其實水旱癘疾亦是天氣所致雪霜風雨亦是在地之災且雨之不時而致水旱水旱與雨不甚為異而分之者據其雨不下而霖不止是雨不時也據其苗稼生死則為水與旱也祭是祈禱之小祭耳若大旱而雩則徧祭天地百神不復別其日月與山川者也注正義曰水旱癘疾俱祭山川社畧癘疫而不言之耳社言山川之神若臺駘者下云星辰之神若實沈者言此祭祭其先世主山川主星辰者之神矣非獨祭此山川星辰之神也計日月無其主者以與星辰俱是天神連言之耳周禮大祝掌六祈以同鬼神示一曰類二曰造三曰禴四曰禜五曰攻六曰說鄭衆云禜日月星辰山川之祭也鄭玄云禜告之以時有災變也禜如日食以朱絲營社

也玄之此言取公羊為說莊二十五年公羊傳曰日食以朱絲營社或曰膏之或曰為閭恐人犯之故營之然社有形質故可朱絲營統日月山川非可營之物不得以此解祭也賈逵以為營攢用幣社依用之日月山川之神其祭非有常處故臨時營具地立攢表用幣告之以祈福祥也攢聚也聚草木為祭處耳癘疫謂害氣流行歲多疾病然則君身有病亦是癘氣而云不及君身者陳思王以為癘疫之氣止害貧賤其富貴之人攝生厚者疫氣所不及其事或當然也且子產知晉君之病不在於此故言二者不及君身以病非癘疫故不須祭臺駘等也若君身則亦出入飲食哀樂之事

也山川星辰之神又何為焉注言實沈臺駘不為君

疾音義

樂音疏

正義曰家語孔子云飲食不時逸勞過度者病共殺之此云出入即逸勞

也據國君之身則朝以聽政晝以訪問
是出也夕以修令夜以安身是人也

僑聞之君子

有四時朝以聽政注聽國政音義

朝如字

晝以訪問注

問可否夕以脩令注念所施夜以安身於是乎節宣

其氣注宣散也疏

正義曰以時節宣散其氣也節即四時是也凡人形神有限不可久

用神久用則竭形太勞則敝不可以久勞也神不用則鈍形不用則痿不可以久逸也固當勞逸更遞以宣散其氣朝以聽政久則疲疲則易之以訪問訪問久則倦倦則易之以脩令脩令久則怠怠則易之以安身安身久則滯滯則易之以聽政

以後事改前心則亦所以散其氣也勿使有所壅閉

湫底以露其體注湫集也底滯也露羸也壹之則血

氣集滯而體羸露音義

壅於勇反湫子小反徐音秋
又在酒反服云若也底丁體

反服云止也羸

疏

正義曰壅謂障而不使行若土壅
水也閉謂塞而不得出若閉門戶

也湫謂氣聚底謂氣止四者皆是不散之意也氣不
散則食不消食不消則食少食少則肌膚瘦肌膚瘦
則骸骨露也言人之養身當須宣散其氣勿使氣有
壅閉集滯以羸露其形骸也注正義曰服虔云湫著
也底止也杜云湫集也底滯也皆是以意訓耳壅閉
言具不得散出故以湫底為集滯言氣聚集而停滯
也若以湫為著則與止同義故易之以為集其止滯
亦同義也上文所云四時之事若其壺之則血氣集
滯使不得宣散氣不散則骨羸露也肥則肌膚厚骨
不見瘦則肌膚薄故體羸露羸露是露骨之名其義
與保相近保露形也羸露骨也瘦必羸羸亦瘦之別
名今晋侯壺之者唯謂安身親近婦人四時皆爾以

恒安身不動故
使氣集滯也

茲心不爽而昏亂
百度注茲此也爽

明也百度百事之節疏

正義曰形之與神相隨而有形以神為主神以形為宅形

彊則神彊形弱則神弱神長隨形而盛衰也既露其體則神識亦弱致使此心不明照察失宜而昏亂百

事之節度也

今無乃壹之注同四時也則生疾矣僑又聞

之內官不及同姓注內官嬪御音義

嬪婢人反

其生不殖

注殖長也美先盡矣則相生疾注同姓之相與先美

矣美極則盡盡則生疾疏

正義曰此僑重述不及同姓之意言內官若取同姓

則夫婦所以生疾性命不得殖長何者以其同姓相與先美今既為夫妻又相寵愛美之至極在先盡矣

乃相厭患而生疾病非直美極惡生疾病而已又美
極驕寵更生妬害也故晉語云異姓則異德異德則
異類異類雖近男女相及以生民也同姓則同德同
德則同心同心則同志同志雖遠男女不相及畏瀆
敬也瀆則生怨怨亂有災災有滅性是故取女避同
姓畏亂災也禮記大傳云百世而昏姻不通者周道
然也然則周法始如此耳前代則不然也蓋以前代
敬簡未設禁防周人以其慢瀆故立法以禁之劉炫
云遠禮而娶則神人不祐故所生不長也晉文姬出
而霸諸侯同姓未必皆不殖此以禮法為言勸勵人
耳注正義曰劉炫云人之本心自然有愛愛之所及
先及近親同姓是親之近者其愛之美必深是同姓
之相與先自美矣若使又為夫妻則相愛之美尤極
極則美先盡矣美盡則必惡生故美盡則生疾此以
禮為防推致此意

耳晉語云云同
君子是以惡之故志曰買妾不知

其姓則卜之違此二者古之所慎也注壹四時取同

姓二者古人所慎音義

惡如字又烏路反取七住反

疏

正義曰曲禮云取妻

不取同姓故買妻不知其姓則卜之鄭玄云為其近禽獸也妾賤或時非勝取於賤者世無本繫也男

女辨姓禮之大司也注辨別也音義

別彼列反

今君內實

有四姬焉注同姓姬四人其無乃是也乎若由是二者弗可為也已注為治也四姬有省猶可無則必生

疾矣注據異姓去同姓故言省音義

省所景反徐所幸反注同去起

呂疏正義曰子產云四姬之外若有異姓之女接御反於公減省公之寵愛於四姬之事如此猶可若

無異姓之女減省公情專愛四姬則必由此故以生疾矣劉炫云子產言若於同姓不深病猶可差若於四姬有此省相見稀接御則此病猶尚可如無稀省耽之過度則必生疾

叔向曰善哉肸未之聞也此皆然矣叔向出行人揮送之注送叔向

叔向問鄭故焉且問子皙對曰其與幾何注言將敗

不久音義

與如字又音預幾居豈反

無禮而好陵人怙富而卑其

上弗能久矣注為明年鄭殺公孫黑傳音義

好呼報反怙音

戶 晉侯聞子產之言曰博物君子也重賄之○晉侯

求醫於秦秦伯使醫和視之曰疾不可為也是謂近

女室疾如蠱注蠱惑疾音義

近附近之

疏

正義曰女在房室故

以室言之是謂近女室說此病之由由近女室為此病也又言疾如蠱言此疾似蠱疾也蠱者心志惑亂之疾若今昏狂失性其疾名之為蠱公惑於女色失其常性如彼惑蠱之疾也蠱是惑疾公心既惑是蠱疾而云如蠱者蠱是失志之疾名志之所失不獨為女宣八年傳胥克有蠱疾者直是病而失性不由近女為之此公淫而失志未全為蠱故云如蠱注正義曰和言公疾如蠱下云惑以喪志知蠱是心志惑亂之非鬼非食惑以喪志注惑女色而失志音義

喪息浪反

疏正義曰此說公病之狀病有鬼為之者有食為之者此病非鬼非食淫於女色情性感亂以喪失志

也良臣將死天命不祐注良臣不匡救君過故將死

而不為天所祐音義

右 祐音

公曰女不可近乎對曰節

之先王之樂所以節百事也故有五節注五聲之節

遲速本末以相及中聲以降五降之後不容彈矣注

此謂先王之樂得中聲聲成五降而息也降罷退音

義

降音絳下及注同或音戶江反彈丹徒反又徒旦反

疏

正義曰女之為節不可得說故以樂譬之

先王之為此樂也所以限節百種之事故為樂有五聲之節為聲有遲有速從本至末緩急相及使得中和之聲其曲既了以此罷退五聲既成中和罷退之後謂為曲已了不容更復彈作以為煩手淫聲鄭衛之曲也劉炫云言五降而息罷退者五聲一周聲下而息前聲罷退以待後聲非作樂息也樂曲成乃息

非五聲一周得息也又傳於是至弗聽劉云此說降後不彈之意也五聲皆降則聲一成曲既未成當從上始不以後聲来接前聲而容手妄彈擊是為煩手此手所擊非復正聲是為淫聲淫聲之漫塞人心耳乃使人忘失平和之性故君子不聽也

於是有煩手淫聲惰堙心耳乃忘平和君子弗聽也注五降而不息則雜聲並奏所

謂鄭衛之聲音義

惰他刀反下同堙音因

疏

注正義曰五降不息則非復正聲手

煩不已則雜聲並奏記傳所謂鄭衛之聲謂此也樂記云鄭衛之音亂世之音也又曰鄭音好濫淫志衛音趨數煩志是言鄭衛之聲是煩手雜聲也

物亦如之注言百事皆如樂

不可失節至於煩乃舍也已無以生疾注煩不舍則

生疾音義

舍音捨注同

君子之近琴瑟以儀節也非以愒

心也注為心之節儀使動不過度天有六氣注謂陰

陽風雨晦明也降生五味注謂金味辛木味酸水味

鹹火味苦土味甘皆由陰陽風雨而生疏

注正義曰尚書洪範

云五行一曰水二曰火三曰木四曰金五曰土水曰潤下火曰炎上木曰曲直金曰從革土爰稼穡潤下

作鹹炎上作苦曲直作酸從革作辛稼穡作甘孔安國云鹹水鹵所生也苦焦氣之味也酸木實之性也

辛金之氣味也甘味生於百穀也是五味為五行之味也以五者並行于天地之間故洛書謂之五行物

皆有本本自天來故言五者皆由陰陽風雨而生也是陰陽風雨晦明合雜共生五味若先儒以為雨為

木味風為土味晦為水味明為火味陽為金味而陰
氣屬天不為五味之主此杜所不用也洪範本文以
生數為次水火木金土大禹謨六府之次水火金木
土穀月令於四時之次木火土金水杜數五味之次
金木水火土以五行相循更互相代其次不以為常
隨便言耳此注所言五味五色五聲配五行者經傳
多有之洪範是其本月令尤為發為五色注辛色白
明杜所解者皆依月令文也

酸色青鹹色黑苦色赤甘色黃發見也音義見賢徵通反

為五聲注白聲商青聲角黑聲羽赤聲徵黃聲宮徵

驗也音義聲徵張淫生六疾注淫過也滋味聲色所

以養人然過則生害疏正義曰上既以樂譬女乃云物亦如之至煩乃舍言用之

有節也此又本諸上天言物皆不得過度也氣皆由天故言天有六氣也五味在地故云降生五味也五味是五行之味六氣共生五行故杜解五味皆由陰陽風雨晦明而生是言六氣共生之非言一氣生一行也味則嘗而可知未有形色可視發見而為五色也色既不同其聲亦異為驗而為五聲也此味聲色也皆本諸上天所以養人用之大過則生六種之疾也正義曰此淫生六疾承氣味色聲之下則謂四者之過皆生疾也但醫和將說晦淫惑疾故下句特舉六氣之淫其言不及味與聲色故杜解以備之言滋味聲色所以養人然過則生疾以見淫生六疾非獨六氣生疾也但晉侯不以味聲色生疾故醫和不言耳

六氣曰陰陽風雨晦明也分為四時序為五節注

六氣之化分而序之則成四時得五行之節疏

注正義曰

六氣共行無時止息但氣有溫暑涼寒分為四時春夏秋冬也序此四時以為五行之節計一年有三百六十五日序之為五行每行得七十二日有餘土無定方分王四季故每季之末有十八日為土正王日

也過則為蓄陰淫寒疾注寒過則為冷音義蓄音災下同

陽淫熱疾注熱過則喘渴音義喘昌充反風淫末疾注末

四支也風為緩急雨淫腹疾注雨濕之氣為洩注音

義洩息列反下如字晦淫惑疾注晦夜也為宴寢過節則心

惑亂明淫心疾注明晝也思慮煩多心勞生疾音義

思息疏正義曰上云淫生六疾搃謂氣味聲色此云利反過則為蓄獨謂六氣過耳過即淫也故歷言

六氣之淫各生疾也此六者陰陽風雨有多時有少時晦明則天有常度無多少時也今言淫者謂人受用此氣有過度者也陰過則冷陽過則熱風多則四支緩急雨多則腹腸泄注此四者雖各以其氣與人為病若其能自防護受之不多則得無此病也其晦明亦是天氣不以病人但人用晦明過度則人亦為病晦是夜也夜當安身女以宣氣近女過度則心惑亂也明是晝也晝以營務營務當用心思慮煩多則心勞敝也陰陽風雨當受之有節晦明當用之有限無節無限必為菑害故過則為菑也注正義曰人之身體頭為元首四支為末故以末為四支謂手足也風氣入身則四支有緩急貫達以末疾為首疾謂風也

眩也
女陽物而晦時淫則生內熱感蠱之疾注女常隨

男故言陽物家道常在夜故言晦時疏

正義曰男為陽女為陰女

常隨男則女是陽象之物也而晦夜之時用之若用之淫過則生內熱感蠱之疾以女陽物故內熱以晦時感蠱也晉語云文子問醫和曰君其幾何對曰若諸侯服不過三年不服不過十年過是晉之殃也孔晁曰人雖有命荒淫者必損壽無外患則并心於內故三年死諸侯不服則思外患損其內情故十年無道之君久在民上實國之殃也今君不節不時能無及此乎出告趙

孟趙孟曰誰當良臣對曰主是謂矣主相晉國於今八年晉國無亂諸侯無闕可謂良矣和聞之國之大

臣榮其寵祿任其大節有蓄禍興而無改焉注改改

行以救蓄音義

相息亮反
行下孟反

必受其咎今君至於淫以

生疾將不能圖恤社稷禍孰大焉主不能禦吾是以

云也注云主將死音義

答其九反禦本亦作御魚呂反

趙孟曰何謂

蠱對曰淫溺惑亂之所生也注溺沉沒於嗜欲音義

溺乃狄反疏

正義曰此淫謂淫於女也沒水謂之溺嗜時志反沒於嗜欲與溺水相似故淫溺連言之

此論晉侯將蠱疾故言淫溺惑亂之所生耳人自有欲故失志志性恍惚不自知者其疾名為蠱蠱非盡由淫也以毒藥藥人令人不自知者今律謂之蠱毒於文皿蟲為蠱注文字也

皿器也器受蟲害者為蠱音義

皿命景反說文讀若猛字林音猛

穀

之飛亦為蠱注穀久積則變為飛蟲名曰蠱在周易

女惑男風落山謂之蠱_䷑注巽下艮上蠱巽為長

女為風艮為少男為山少男而說長女非匹故惑山

木得風而落音義

巽音遜艮古恨反長丁丈反下同少詩照反下同說音悅

皆同

物也注物猶類也趙孟曰良醫也厚其禮而歸之注

贈賄之禮○楚公子圍使公子黑肱伯州犁城犢櫟

郊注黑肱王子圍之弟子皙也犢縣屬南陽郊縣屬

襄城櫟今河南陽霍縣三邑本鄭地音義

犢尺州反櫟音歷徐

失灼反郊古洽反

鄭人懼子產曰不害令尹將行大事注謂

將弒君而先除二子也注二子謂黑肱伯州犂禍不
及鄭何患焉冬楚公子圍將聘于鄭伍舉為介未出
竟聞王有疾而還伍舉遂聘十一月己酉公子圍至
入問王疾縊而弒之注縊絞也孫卿曰以冠纓絞之
長歷推己酉十二月六日經傳皆言十一月月誤也

音義

介音界竟音境縊一絞
反弒申志反絞古卯反
疏注正義曰孫卿姓荀
名况著書一部名荀

卿子漢宣帝諱詢故轉為孫也下有十二月甲辰朔
甲辰後五日得己酉故杜以長歷推己酉是十二月
六日而此邦教之卒經傳皆云十一月己酉杜謂十
一月誤者止謂十一月不得有己酉以己酉為誤十

一月非誤也必知然者若以為十二月巳酉杜謂日巳酉子干奔晉至晉猶見趙孟益七日庚戌趙孟卒便是日相切迫無相見之理故知十一月為是巳酉為誤劉炫以為杜云誤者以十一月為誤當云十二月而規杜氏非也劉炫規云杜言十一月誤當為十二月案下文趙孟庚戌卒彼是邲教今日死趙孟明日卒則子干奔晉不得見趙孟而議其祿故謂十一月是巳酉字誤也

遂殺其二子幕及

平夏注皆邲教子音義

幕音莫夏戶雅反

右尹子干出奔晉

注子干王子比宮廡尹子皙出奔鄭注因築城而去

音義

廡居又反

殺大宰伯州犂于邲葬王于邲謂之邲教

注邲教楚子麋使赴于鄭伍舉問應為後之辭焉注

問赴者對曰寡大夫圍伍舉更之曰共王之子圍為

長注伍舉更赴辭使從禮此告終稱嗣不以篡弑赴

諸侯音義

共王音恭
長丁丈反

子干奔晉從車五乘叔向使與

秦公子同食注食祿同音義

從才用反乘
繩證反下同

皆百人之

餼注百人一卒也其祿足百人音義

餼許氣反
卒子忽反疏注

義曰百人為卒周禮司馬序官文也祿足百人謂與
之田取稅以共食足為百人餼也晉語稱秦后子楚
公子干來仕叔向為太傅實賦祿韓宣子問二公子
之祿馬對曰大國之御祿一旅之田上大夫一卒之
田夫二公子者上大夫皆一卒可也趙文子白秦公子富注謂秦鍼富

強秩祿不宜與子干同叔向曰底祿以德注底致也

音義

底音旨

德鈞以年年同以尊公子以國不聞以富

且夫以千乘去其國彊禦已甚詩曰不侮鰥寡不畏

彊禦注詩大雅侮陵也音義

夫音扶侮亡甫反鰥古顏反

疏

正義曰德

大則官高官高則祿厚故致祿以德之小大為差也年同以尊謂以官為之尊卑也

秦楚匹也

使后子與子干齒注以年齒為高下而坐辭曰鉞懼

選楚公子不獲是以皆來亦唯命注不獲不得自安

言俱奔事有優劣唯主人命所處謙辭且臣與羈齒

無乃不可乎注后子先來仕欲自同於晉臣為主人

子干後來奔以為羈旅之客史佚有言曰非羈何忌

注忌敬也欲謙以自別音義

佚音逸別
彼列反

䟽

正義曰忌
敬也史佚

有言云非是羈客何須敬之言子干是客
當須敬之我不敢與同是謙以自別也

○楚靈王

即位遂罷為令尹遂啟疆為太宰注靈王公子圍也

即位易名熊虔音義

罷音皮疆其良
反又居良反

鄭游吉如楚葬

邾敖且聘立君歸謂子產曰具行器矣注行器會備

楚王汰侈而自說其事必合諸侯吾往無日矣子產

曰不數年未能也注為四年會申傳音義

汰音泰 說

悅反數
所注反

○十二月晉既烝注烝冬祭也音義

徐音悅始
承反趙

孟適南陽將會孟子餘注孟子餘趙衰趙武之曾祖

其廟在晉之南陽溫縣往會祭之音義

衰初
危反疏注正

服虔以孟為趙盾子餘為趙衰若其必然當先衰後盾何以先言孟也杜以孟子餘是趙衰一人蓋子餘是字孟是長

甲辰朔烝于溫注趙氏烝祭甲辰十二

月朔晉既烝趙孟乃烝其家廟則晉烝當在甲辰之

前傳言十二月月誤疏

注正義曰杜以十二月晉既烝趙孟始適南陽則趙孟初


行已是十二月也此句乃云甲辰朔烝于温案文言之則是來年正月朔也服虔云甲辰朔夏十一月朔也若是夏十一月朔當於明年言之而此年說之何也杜以服言不通故為此解云晉既烝趙孟乃烝其家廟則晉烝當在甲辰之前當言十一月傳言十二月月誤也劉炫以為晉烝及趙孟適南陽竝在十一月之前文繫十二月者欲見烝後即行先公後私十二月之文為下甲辰朔起本舉月遙屬下明晉烝猶在朔前十二月非誤也若必如劉言傳當云晉既烝趙孟適南陽將會孟子餘十二月甲辰朔烝于温足明先公後私之義何須虛張十二月於上遙為甲辰朔起本傳文上下未有此例劉炫之言非也

庚

戊卒注十二月七日終劉定公秦后子之言鄭伯如

晉弔及雍乃復注弔趙氏蓋趙氏辭之而還傳言大

夫彊諸侯畏而弔之音義及雍於
用反



春秋左傳注疏卷四十一

春秋左氏傳注疏卷四十一考證

傳令尹命太宰伯州犂對曰○州監本訛作氏今改正
傳若野賜之䟽則是寡大夫不得列於侯卿之位也○

臣浩按侯卿之位推尋文義疑當作諸卿之位或因

天子之卿授地視侯故當時有侯卿之稱亦未可定

傳譬如農夫是穰是藿疏漢書食貨志云○食貨志監

本訛貨殖志今改正

又䟽后稷始畊田○畊監本訛作畊今改正

又疏苗生三葉以上○食貨志原文作苗生葉以上
無三字

又疏耨定本耘○推尋文義當云耨定本作耘

傳季武子伐莒取鄆注兵未加莒而鄆服故書取而不
言伐○趙汭曰不書季孫伐莒者莒人告於會叔孫
豹幾被戮晉趙孟固請于楚而後免故為內諱之義
與僖十六年滅項不言師同

傳夏有觀扈○臣召南按漢書地理志右扶風鄠有扈

谷亭扈夏啟所伐又東郡畔觀注應劭曰夏有觀扈
後漢郡國志衛本觀故國姚姓

傳商有妣邳○臣召南按竹書紀年商外壬元年妣人

邳人叛當即此

傳周有徐奄○臣召南按地理志臨淮郡徐故國盈姓

後漢郡國志魯國古奄國

傳吳濮有蠻楚之執事豈其顧盟○臣召南按濮在楚

西南今為雲南之地春秋時曰百濮蓋蠻人非一種

也國語曰叔熊逃難于濮則楚之先世早有竄入其地者

傳去煩宥善莫不競勸疏不往討魯云云○各本俱誤刊在下文賦大明之首章注下今改正

傳宣汾洮○臣召南按洮水釋例闕不知所在水經曰

涑水出河東聞喜縣東山黍葭谷酈注曰涑水出華谷至周陽與洮水合洮水出清野山西流合涑水子產曰臺駘汾洮之神也司馬彪曰洮水出聞喜縣故

王莽以縣為洮亭也然則涑水殆亦兼洮水之稱乎
按後漢郡國志曰聞喜有涑水有洮水亦其證也據
水經注則洮水即涑水矣杜於前傳涑川注曰涑水
出聞喜至蒲坂入河必是疑洮水與涑水不同故闕
之

傳沈拟蓐黃實守其祀○臣浩按此沈國黃國為晉所
滅當在太原河東之間非江黃胡沈近於楚之沈黃
也

傳美先盡矣疏更生妬害也○妬監本訛作妬今改正

傳女陽物而晦時○

臣照

按六子二陰一陽皆男也二

陽一陰皆女也陰卦多陽故曰女陽物也杜氏以女

隨男為解其義未瑩孔氏謂女是陽象之物益以不

明

傳公子圍至疏孫卿姓荀名况○况監本訛作說今改

正

傳皆百人之餼疏大國之卿祿一旅之田○晉語原文

大國之卿一旅之田無祿字

春秋左氏傳注疏卷四十一考證